

www.e-rara.ch

**Quadratura circuli et hyperbolae segmentorum ex dato eorum centro
gravitatis, una cum inventione proportionis et centri gravitatis in
portionibus sphaerae plurimorumque periphericorum ... Demonstrata ...**

**La Loubère, Antoine de
Tolosae, 1651**

ETH-Bibliothek Zürich

Persistent Link: <https://doi.org/10.3931/e-rara-9180>

Elementorum tetragonismicorum Liber V. Absolutam circuli, hyperbolae & reliquorum inde
pendentium quadratura assequens.

www.e-rara.ch

Die Plattform e-rara.ch macht die in Schweizer Bibliotheken vorhandenen Drucke online verfügbar. Das Spektrum reicht von Büchern über Karten bis zu illustrierten Materialien – von den Anfängen des Buchdrucks bis ins 20. Jahrhundert.

e-rara.ch provides online access to rare books available in Swiss libraries. The holdings extend from books and maps to illustrated material – from the beginnings of printing to the 20th century.

e-rara.ch met en ligne des reproductions numériques d'imprimés conservés dans les bibliothèques de Suisse. L'éventail va des livres aux documents iconographiques en passant par les cartes – des débuts de l'imprimerie jusqu'au 20e siècle.

e-rara.ch mette a disposizione in rete le edizioni antiche conservate nelle biblioteche svizzere. La collezione comprende libri, carte geografiche e materiale illustrato che risalgono agli inizi della tipografia fino ad arrivare al XX secolo.

Nutzungsbedingungen Dieses Digitalisat kann kostenfrei heruntergeladen werden. Die Lizenzierungsart und die Nutzungsbedingungen sind individuell zu jedem Dokument in den Titelinformationen angegeben. Für weitere Informationen siehe auch [Link]

Terms of Use This digital copy can be downloaded free of charge. The type of licensing and the terms of use are indicated in the title information for each document individually. For further information please refer to the terms of use on [Link]

Conditions d'utilisation Ce document numérique peut être téléchargé gratuitement. Son statut juridique et ses conditions d'utilisation sont précisés dans sa notice détaillée. Pour de plus amples informations, voir [Link]

Condizioni di utilizzo Questo documento può essere scaricato gratuitamente. Il tipo di licenza e le condizioni di utilizzo sono indicate nella notizia bibliografica del singolo documento. Per ulteriori informazioni vedi anche [Link]



ELEMENTORVM
TETRAGONISMICORVM
LIBER V.

*Absolutam circuli, hyperbolæ
& reliquorum inde penden-
tium quadraturã assequens.*

PRÆFATIO.



VÆ in anteceden-
tibus quatuor Li-
bris à nobis inuen-
ta sunt, ea dum de
editione istâ age-
retur, sola & per se sufficere puta-
runt docti simul & amici viri, ad
hoc vt nonnullo operæ nostræ


pretio & Matheseos incremento, etiam seorsum vulgarentur, quidquid alijs inuentis nostris, quorum causâ semper meruebamus, eueniret. Hac publicæ utilitatis persuasione adducti Typographo lucubrationes istas tradidimus; sed dum diagrammata cupro inciduntur, prælo cuduntur, cæteraque absoluuntur, biennium est, tam segnes operarum moras nobis nequicquam culpantibus. Interea verò cum edenda diligentius recognosceremus, eorum ordinem & dispositionem in quibusdam immutanda censuimus, ut iam auctior, si non rerum, certè librorum numerus prodeat, quâ in prolegomenis destinaueramus. Atque ut silentio istud non dissimulemus, nihil ferme absuit quin librum præsentem tanquam ab ortuum perpetuæ obliuionis

tumulo conderemus, nisi cum emortuum efferremus, nouus ei vitæ halitus subitò inditus apparuisset: quò fit vt tantò carior nobis sit, quantò castæ matri suauior accidit restaurata exanimati summisque propterea doloribus parti foetûs vita. Hîc quoque, Lector, numeros adhibitos inuenies, planèque agnosces sine illis nihil in præsentî negotio nisi vago quodam & ingrato demonstrandi genere posse definiri.

PROPOSITIO I.

Si ex cuiusuis parallelogrammi $abcd$ angulo quolibet b in latera opposita ad, de demittantur perpendiculares bc, bf ; dico vt bc recta ad bf , ita esse ba rectâ ad be . Et si in diámetro bd etiâ productâ ponatur centrum gra-

uitatis alicuius magnitudinis, sus-
 pendaturque per duas suspensio-
 nes quarum perpendiculara per
 centrum librę incedentia sint da ,
 de . Dico vt est ab recta ad be ,
 ita esse posita, æqualitate brachij,
 æquiponderans perpendiculari da
 ad aliud æquiponderans. Et si
 posito centro grauitatis intra an-
 gulum $a de$, vt æquiponderans
 perpendiculari da ad æquiponde-
 rans alterius, ita vicissim fiat de
 quælibet eius portio ad rectam
 da completoque parallelogrāmo
 $adeb$ iūgatur diameter db ; dico
 in ipsâ db esse centrū grauitatis.



34 pri.
mi Euc. Quoniam anguli oppositi ad a & e sunt
æquales, & anguli bca , bfe sunt æquales
vt pote recti, erunt triangula bca , bfe si-
milia; ergo vt a , b , c , ita b , e , f ; & alter-
nando vt a , b , be , ita b , c , bf , quod erat pri-
mo ostendendum.

Rursus excitentur ex puncto d rectæ
 d g , d h , æquales inuicem, perpendiculares
ad rectas da , de . Quoniam b e , g i sunt pa-
rallæ, alterni anguli cbd , bdi erunt æ-
quales; ergo posito sinu toto db , recta c b
erit sinus anguli cbd ; atqui angulus c db
est in triangulo rectangulo bcd comple-
mentum anguli cbd , qui est æqualis ipsi
 bdi ; ergo posito sinu toto db , sinus com-
plementi anguli bdi est recta bc . Simi-
liter ostendetur posito sinu toto db , sinum
complementi anguli bdi esse rectam
 bf . Quoniam ergo æquiponderantia dua-
rum suspensionum per libras gd , dh fa-
ctarum sunt vt complementi sinus bc , bf
ex vndecimâ secundi libri; bc autem &
 bf sunt inter se vt ba , be ex modo de-
monstratis; ergo vt recta ba ad be vel ad ,
ita est æquiponderans libræ gd siue per-
pendiculari da ad æquiponderans libræ dh
siue perpendiculari de , quod secundò osten-
dere oportebat.

Demum posito centro grauitatis intra
angulum ade , vt æquiponderans perpen-
diculi da ad æquiponderans perpendiculi
 de , ita vicissim sit latus de ad da paralle-
logrammi $adcb$, centrum verò grauitatis

non sit (si fieri potest) in rectâ $d m$; ergo completo parallelogrammo $d e m n$, vt æquiponderans perpendiculari $d a$ ad perpendiculari $d e$, ita vicissim ex iam demonstratis erit latus $d e$ ad $d n$; sed ita etiam ponitur esse latus $d e$ ad $d a$; ergo rectæ $d a, d n$ pars & totum sunt æquales; non igitur centrum grauitatis est extra diametrum $d b$, quod tertio fuit ostendendum.

COROLLARIUM.

Si commune vtrique perpendicularo brachium fiat ad aliud, quod inferuiat perpendicularo $d e$, vt ipsum latus $a d$ ad latus $d e$; manifestum est ex octauâ secundi æquiponderans perpendiculari $d e$ esse æquale æquiponderanti perpendiculari $d a$, positâ istâ brachiorum inæqualitate.

PROPOSITIO II.

Segmento $e d f$ circuli ex centro e descripti, cuius subtensa $e f$ sit ad diametrum $a b$ vt ternarius ad quinarium, librâ ex e suspensâ, perpendicularo $c b$, ex m termino diametri $d m$ perpendicularis ad $e f$ æquiponderat spatium æquale

rectangulo cuius basis sit $e f$, altitudo verò æquet semidiametri $d c$ tres vigesimas quintas.



Super $a b$ constructum sit quadratum $a u x b$; erit punctum m in rectâ $u x$; ex $d m$ productâ abscissa sit $m y$ ipsi $c d$ æqualis, & intelligatur per u, y, x descriptum $u y x$ segmentum parabolæ, cuius basis $u x$, diameter $m y$, vertex y . Intelligatur præterea linea $u l x n$ ita se habens ad parabolam $u y x$, vt quâcunque $q z$ æquidistante diametro $m y$ secentur in q, o, z & linea $u x$ in p , sit $q o$ dimidium rectæ $p z$, & bifariam secetur in p .

Quoniam $d c, m y$ sunt æquales; quæcunque $f z$ æquidistans rectæ $d c$ ducatur occurrens basi in p , parabolæ in z , circulo in

f, diametro a b in i, curuæ u l x n in q & o, erunt tres rectæ d c, f i, q z proportionales, ex demonstratis in tertio libro; ergo ut p i ipsi d c æqualis ad i f, ita i f ad q z: ergo ut i p ad i π semissem rectæ i f, ita tota i f ad q o dimidium rectæ q z aptatum rectæ u x secundum positionem rectæ a u: ergo si π p ponatur libra grammica ex i suspensa, graua f i, q o ut iacent manentia sibi inuicem qui ponderabunt; ergo cum id ipsum eueniat in alijs omnibus æquidistantibus rectæ d c, tota figura v l x n toti a d b c, & pars parti, si sumantur prout intra easdem ordinatim ad diametrum a b applicatas sibi respondent, æquiponderabit.

3. tertij huius in coroll. 3.

6. aut 7 pri. 2. quip.

28. quarti huius.

Venio iam ad calculū casus propositi.

Quoniam iunctæ c f quadratum æquat quadrata duarum g f, g c, & g f potest nouem cuiusmodi c f viginti quinque, poterit g c reliquas sexdecim partes quadrati c f; ergo tres rectæ c f, c g, g f sunt longitudine ut quinarium, quaternarium, & ternarium. Per e & f ducantur conductæ e k, f z, occurrentes in h, r, s, t, k, i, q, p, o, z, lineis a b, v l, v n, u y; iuncta k z occurrat rectæ l y in λ . Quoniam latus rectum parabolæ u y z æquale est diametro m y (sunt enim y m, m u æquales) erunt y λ , k λ , y m proportionales: ergo ut y m ad λ k vel m f, hoc est ut quinarium ad ternarium, vel viginti quinque ad quindecim, ita k λ ad λ y: est ergo λ y nouem, cuiusmodi k λ quindecim,

11. primi Coroll. nic.

& y m viginti quinque.

Rursus quoniam segmentum k l z y æ-
 17. qua- quale est quatuor trientibus rectanguli
 drar. z λ y, quod triangulo k z y æquale est; si
 parab. k λ diuidatur in quindecim partes, rectæ λ z
 quatuor trientes erunt viginti; si ergo λ y
 nouem partium ducatur in viginti, confi-
 cientur centum octoginta: ergo duo trien-
 tes rectanguli z λ y sunt centum octoginta
 quadrata decimæ quintæ partis rectæ λ z;
 rectangulum autem s p z k, cuius latera s p
 triginta, & p z vel m λ sexdecim, est qua-
 dringenta octoginta eiusmodi quadrata, ergo
 tota figura s k y z p æquat eiusmodi
 quadrata sexcenta sexaginta; ergo cum ex
 sextâ primi figura r t n o q l sit dimidium
 figuræ s k y z p, figura r t n o q l constabit
 eiusmodi quadratis trecentis triginta: ergo
 totidem quadrata librâ ex c suspensâ, per-
 pendiculo c b, pendentia ex m æquiponde-
 rant figuræ h e d f i c: sed parallelogram-
 mo e h i f, cuius latus e h est viginti, cuius-
 modi h i triginta, & ideo continenti qua-
 drata eiusdem modi sexcenta, æquiponde-
 rant, (ijsdem positis) quadrata ducenta
 quadraginta (nam vt m c vel d e ad c e
 dimidium rectæ c g, hoc est vt quinque ad
 duo, ita e h i f ad suum æquiponderans)
 ergo segmento e d f g æquiponderant qua-
 drata nonaginta: sed rectangulum sub e f
 triginta, & sub tribus completitur non-
 ginta quadrata: ergo æquiponderans seg-

mento e d f est iisdem positis, rectangulum sub e f & sub partibus tribus cuiusmodi e f complectitur triginta, & c d viginti quinque, quod erat demonstrandum.

COROLLARIUM

Si segmentum e d f iam computatum ponatur basis portionis cylindri iuxta prescriptum vigesima quintae prioris libri, & rectangulum isti basi aequiponderans fiat basis parallelepipedo eadem cum portione cylindri altitudine praediti; istud erit, exhibidem demonstratis, aequale spatio aequiponderantis portioni cylindri iuxta cautiones ibidem adhibitas.

SCHOLIUM.

Expedita magis visa nobis fuit haec computandi via, desumpta ex demonstratis per libram planam, ideoque ea hic usi sumus; ne vero dubium ullum de libra istius cum grammica consonantia residuum fiat, placet calculum inire aequiponderantis segmento e d f, posito arcu e d f triente circuli, prout eum posuimus in decimanona tertij libri aliam epilogismi methodum sectantes.

Quoniam c d vel m y est ad h c vel k y potestate vt quatuor ad tria, tres autem re-
 ctae m y, k λ, λ y sunt proportionales, vt
 quatuor ad tria, ita erit m y ad λ y. Cum

20. sex-
 ti Euc.
 in co-
 roll.

igitur segmentum $k y z \lambda$ sit æquale quatuor trientibus rectanguli $z \lambda y$; erit æquale rectangulo sub $z \lambda$ & sub quatuor trientibus rectæ λy , hoc est sub rectis $z \lambda, m y$; rectangulum autem $spz k$ erit æquale rectangulo sub $z \lambda$ & sub dimidio rectæ $m y$, hoc est sub duplâ rectæ $m \lambda$: ergo tota figura $spz y \kappa$ æquat rectangulum sub $m p$ & sub rectæ $m y$ tribus semissibus: ergo dimidium illius æquat rectangulum sub $m p$ & sub tribus quadrantibus rectæ $m y$ vel $c d$: ergo æquiponderans figuræ $e h d f$ æquale est rectangulo sub $g f$ & sub tribus quadrantibus semidiametri $c d$: sed parallelogrammo $e h i f$ æquiponderat quadrans ipsius $e h i f$, hoc est rectangulum sub $g f$ & sub $g \theta$ quadrante rectæ $c d$; ergo segmento $e d f g$ æquiponderat rectangulum sub $e g$ & sub rectæ $c d$ duobus quadrantibus, hoc est rectangulum $e g d$, quod profus conuenit cum epilogismo propositionis decimæ nonæ tertij libri.

Quod in decimâ octauâ eiusdem libri tertij ostenditur, statim ex hoc diagrammate apparet; nam segmentum $u y x$ est quatuor trientes rectanguli $u m y$, quod est quadratum, cum latera $u m, m y$ sint æqualia: ergo duo trientes quadrati $u m$ vel $a c$ æquiponderant ex m semicirculo $a d b$, librâ ex c suspensâ, perpendicularo $c b$.

PROPOSITIO III.

Sit, reuocatâ figurâ propositionis vigesimæ septimæ libri præcedentis, $n d o$ segmentum hyperbolæ primò quidem conditum; ostendendum est librâ $b d$ suspensâ ex c centro, perpendicularo $c p$, spatium ex b segmento ut iacet manenti æquiponderâs esse æquale trientibus octo quadrati $b i$. Et si iisdem manentibus recta $d e$ æqualis sit diametri $d b$ septimæ parti; ostendendum est secundò, spatium ex b segmento $n d o$ æquiponderans (quod alterum segmentum hyperbolæ nortum vocetur) esse æquale rectangulo comprehenso sub basi $n o$ & sub diametri sexdecim centesimis quadragesimis septimis. Recta verò $e o$ erit dupla rectæ $d e$.

Rursus quoniam segmentum parabolæ 17. qua-
drat.
parab.
 $n i o$ æquale est quatuor trientibus rectan-
 guli $n e i$, vel trianguli $n i o$; ergo dice-
 ratoides figura contenta arcu $n i o$, rectis
 $n p$, $o x$, & rectâ per i æquidistante basi
 $n o$; æqualis est duobus trientibus rectan-
 guli $n e i$ (nam parallelogrammum dictis
 lineis comprehensum duplum est paralle-
 logrammi $n e i$) ergo cum $e i$ contineat
 viginti quatuor partes cuiusmodi $e c$ vi-
 ginti septem; rectangulum sub $n e$ & sub
 sexdecim partibus eiusmodi æquabit duos
 trientes figuræ diceratoidis; & addito du-
 plo rectæ $c i$, rectangulum sub $n e$ & sub
 viginti duabus partibus eiusdem modi
 æquabit totam figuram extrâ cauam
 $p c x o i n$: rectangulum autem sub $n e$ &
 sub vndecim eiusmodi æquabit dimidium
 totius $p c x o i n$, quod est $c i s o x$.

Rursus quoniam si ponatur axis $p x$,
 brachiumque æquet rectam $c e$, vt $c e$ re-
 ctâ ad dimidium rectæ $c d$, ita est tota $c d$
 ad dimidium rectæ $c i$, idemque euenit in
 quacumque aliâ æquidistante rectæ $c i$, di-
 midium figuræ extrâ cauæ parabolice
 aptatum brachio eiusmodi æquipondera-
 bit figuræ extrâ etiam cauæ hyperbo-
 licæ $p x o d n$ vt iacet manenti ex secundâ
 parte vigesimæ octauæ prioris libri; ergo
 rectangulum sub $n e$ & sub vndecim vige-
 simis septem rectæ $c e$ æquiponderat figu-
 ræ hyperbolicæ $p x o d n$: sed iisdem po-

titus toti rectangulo $p \times o$ non æquiponderat dimidium ipsius, hoc est rectangulum sub $n e$ & sub $e c$ totâ; ergo rectangulum sub $n e$ & sub sexdecim vigesimis septimis rectæ $e c$ æquiponderat segmento parabolico $n d o e$. Ergo si brachium longitudinis $e c$ vel viginti septem partium mutetur in brachium longitudinis $c d$ nouem partium, cum vt nouem ad viginti septem, ita sint sexdecim ad quadraginta octo, æquiponderans segmento hyperbolico $n d o$, librâ ex c suspensâ, brachio æquantem semidiametrum $c d$, erit æquale rectangulo sub $n e$ & sub quadraginta octo vigesimis septimis rectæ $e c$: vel sub $n e$ & sub quadraginta octo decimis octauis axis $b d$; cum ergo tres rectæ $n e$, $e d$, $b d$ sint æquales inuicem; rectangulum sub $n e$ & sub quadraginta octo decimis octauis ipsius $n e$, erit æquale octo trientibus quadrati $n e$, quod erat demonstrandum primo loco.

Secundò recta $d e$ sit æqualis septimæ parti rectæ $d b$; erit ergo octaua pars totius $b e$; & quia latus directum $d q$ est hîc dimidium transversum $d b$, rectangulum $b e d$ erit duplum quadrati $e o$; ergo rectangulum sub $d e$ & sub semisse rectæ $e b$, hoc est sub quadruplâ rectæ $d e$, æquale est quadrato rectæ $e o$; ergo tres rectæ $e d$, $e o$ & quadrupla rectæ $e d$ sunt proportionales; ergo $e o$ recta est dupla rectæ $d e$.

21. primi
mi Co-
nic.

Rursus sicuti in præcedenti casu ostendimus tres rectas $c e$, $c d$, $c i$ esse in ratione numerorum 9. 3. 1. ita in isto ostendemus esse in ratione numerorum 81. 63. 49. Quoniam ergo si $c e$ ponatur octoginta & vnus partium, $c i$ est quadraginta nouem, erit $i e$ triginta duarum: & si $c e$ ponatur mille septingentarum & vnus erit $c i$ mille viginti nouem, & $c d$ mille trecentarum viginti trium, & $i e$ sexcentarum septuaginta duarum: duo ergo trientes rectæ $e i$ erunt quadringentæ quadraginta octo, quæ si addantur ad duplam rectæ $c i$, hoc est ad bis mille quinquaginta & octo, summa ex utroque numero conflata erit bis mille quingentæ sex; cuius dimidium est mille ducentæ quinquaginta tres; ergo rectangulum sub $n e$ rectâ & sub mille ducentis quinquaginta tribus, cuiusmodi $c d$ continet mille trecentas viginti tres, est æquale spatio quod librâ ex c suspensâ, perpendicularo $c x$, brachio æquante rectam $c e$, æquiponderat figuræ $n p x o d$; sed toti $p n o x$ æquiponderat rectangulum $p n e c$: ergo differentia eorum videlicet rectangulum sub $n e$ & sub quadringentis quadraginta octo, cuiusmodi $c d$ continet mille trecentas viginti tres, æquiponderat segmento $n d c$ iisdem positis. Si ergo brachium æquans rectam $c e$ mutetur in aliud æquans rectam $c d$, hoc est si ut septem ad nouem ita fiant partes quadringentæ qua-

draginta & octo ad quingentas septuaginta sex; rectangulum sub *ne* & sub quingentis septuaginta sex partibus, cuiusmodi in *cd* sunt mille trecentę viginti tres, vel sub *no* & sub ducentis octoginta octo, quales in semidiametro *cd* sunt mille trecentę viginti tres, vel in diametro bis mille sexcentę quadraginta sex, vel sub sexdecim cuiusmodi in diametro centum quadraginta septem, æquiponderat segmento *nd o*, librâ ex *c* suspensâ, perpendicularulo *cx*, & brachio æquante semidiametrum *cb*.

COROLLARIUM.

Si segmenta, quorum æquiponderantia computauimus, vel eorum differentia ponantur bases cylindræorum iuxta præscriptum vigesimę quintę prioris libri; & rectangula computatis æquiponderantibus equalia fiant bases parallelepipedorū eadem cum cylindræis altitudinē prædictorum; isthęc parallelepipeda erunt, vt ex ibidem demonstratis patet, æqualia spatio æquiponderantium cylindræis; iuxta cautiones ibidem adhibitæ.

SCHOLIUM PRIMVM.

Occasione tot epilogismorum hic Lectorem monere in isto, lapsum in ijs pertractandis esse perfacilem, & vehementer timendum calculatori etiam exercitatissimo. Hoc verò diligenter attendi velim, si quis fortasse error in nostris numeris (quamuis contrarium sperem eventum) detegeretur, Vtrum vitium in eorum tractatione sistat, an etiam ad ipsam grammicam demonstrationem pertingat; si enim ista rectè procedat, stat veritas quadraturæ, & inde emendari poterunt numeri, quorum vitium tantum excusationis habere censuerunt legum conditores, ut nunquam in rem iudicatam transire voluerint, si quid perperam computatum probari possit.

SCHOLIUM ALTERVM.

Ad inueniendum spatium segmenti hyperbolæ propositis equipoderas vsi sum² librâ planâ, non quidē necessitatis, sed facilitatis maioris causâ; poteramus enim, si placuisset, calculū perficere ex solis tertij libri principijs in decimâ septimâ eiusdem libri collectis. Porro ex hoc schemate calculum eorum quæ de hyperbolico xystroide innuimus in præcedenti libro, explorabimus in hunc modum. Quoniam in primo casu ostendimus figuram $ci\ so\ x$ esse vndecim vigesimas septimas rectanguli $c\ o\ x$; semi-segmentum $e\ i\ so\ f$ erit sexdecim reliquæ vigesima septima; ergo figura $ci\ so\ x$ est ad figuram $e\ i\ so\ f$ ut vndecim ad sexdecim. Ponatur cx ita secta in l ut cl sit si-

Prop.
23. Co-
roll. 3.
& prop.
27. in
S chol.

imas, parallelepipedum cuius altitudo sit $c x$
 & basis vndecim vigesima septima quadrati
 $x o$, erit aequale parallelepipedo cuius altitudo
 sit $x o$, basis vigesima dua septuagesima prima
 quadrati $x o$. 4. 70.
100.
Euc.


Quoniam ergo prismatoides cuius basis sit
 $c i s o x$ & altitudo $x o$ aequale est, ut iam
 ostendimus, parall. lepipedo cuius altitudo sit
 $c x$, & basis vndecim vigesima septima qua-
 drati $x o$; ipsum autem prismatoides est, aequa-
 le quarta parti hyperbolicoidis cuius sectiones
 sint quadrata rectarum $b i, h s$ aliarumque or-
 dinatim applicatarum ad directam diametrum
 $c x$, ut de simili casu ostendimus in quarto
 libro; erit quarta pars eiusmodi hyperbolicoidis
 aequalis parall. lepipedo cuius altitudo sit $c x$,
 basis vndecim vigesima septima quadrati $x o$. propof.
12. &
sequet.

Rursus quoniam parallelepipedum cuius altitu-
 do sit recta $c x$, basis quadratum ex dupla recta
 $x o$, habet eandem altitudinem cum parall. le-
 pipedo cuius altitudo est $c x$, & basis vndecim
 vigesima septima quadrati $x o$; ergo quarta
 pars parallelepipedum cuius basi est quadratum
 ex dupla recta $x o$, est ad quartam partem hy-
 perbolicoidis, ut basis ad basim, hoc est, viginti-
 septem ad vndecim; sed ita etiam est cylindrus
 cuius altitudo $c x$, basis circulus ex semidiametro
 descriptus, ad hyperbolicum xystroides cuius
 sectiones sunt circuli ex semidiametris $x o, l g,$
 $c d$ aliisque ordinatim applicatis descripti, sicut
 eodem libro ostensum fuit: ergo cylindrus cuius
 basis sit circulus semidiametro $x o$ descri-

ptus, altitudo $c x$, est ad xystroides hyperbolicum v , viginti septem ad vndecim.

PROPOSITIO I V.

Siconus plano per axem secetur in duos semiconos, atque per grauitatis centrum vnus ex semiconis ducatur planum parallelum plano per axem, semidiameter, quæ in basi erit perpendicularis ad sectionem plani per axem, ita secabitur ab eiusmodi plano parallelo, vt portio iacens inter centrum basis & centrum grauitatis semibasis sit quadrupla portionis interceptæ inter idem semi-basis centrum & inter parallelum planum iam memoratum.



Sit conus $d a b$ cuius basis sit circulus $a f b e$; axis $d c$; planum per axem $d c f$ faciat in circulo sectionem $f c e$, ad quam ex c excitata sit in plano semicirculi $e b f$ perpendicularis $c b$; ipsius autem semicirculi centrum gravitatis sit g in semidiametro $c b$ existens ex decima tertia secundi libri; semiconi autem $d f e b$ centrum gravitatis sit l , atque per l actum sit planum $l h n$ plano $d c f$ parallelum, secans rectam $c b$ in h . Dico h ita cadere inter c & g , ut recta $c g$ sit rectæ $h g$ quadrupla; siue $c h$ tripla rectæ $h g$.

Per g & d agatur recta $d g$. Quoniam figura solida $d f e b$ describitur motu rectæ $d f$ ex puncto d manente, per ambitum semicirculi $f b e$, erit homœoconica; ac proinde si plano secetur parallelo basi $f b e$ sectio erit similis ipsi $f b e$ (id enim eodem pacto ostendetur, quo ab Appollonio id ipsum ostenditur de toto cono) similiterque posita; cumque similes, similiterque sint posita, recta $d g$ transibit per centrum gravitatis ipsius ex quinto postulato primi libri Archimedei de Æquiponderantibus; ergo per undecimam libri præcedentis centrum gravitatis figuræ homœoconicæ $d f e b$ erit in rectâ $d g$; est ergo punctum l in rectâ $d g$; ergo per corollarium secundum duodecimæ libri eiusdem punctum l ita dividit rectam $d g$, ut ipsius $g l$ recta $l d$ sit tripla.

s. primi
Conic.

522 *Tetragonismicorum.*

16. vn-
dec.
Euc.
2. sexti
Euc.

Rursus quoniam planum trianguli $d c g$ secant duo plana inuicem æquidistantia per c & l ducta, eorum sectiones $d c$, $h l$ in plano $d c g$ factæ, erunt parallelæ; ergo cum in triangulo $d c g$ lateri $d c$ parallela sit $l h$; ut $d l$ ad $l g$, hoc est ut tria ad vnum, ita erit $c h$ ad $h g$: est ergo $c h$ tripla rectæ $h g$, quod erat ostendendum.

COROLLARIUM I.

Præsens demonstratio perinde locum suum obtinet, quamuis triangulum $d f e$ per verticem d actum non esset per axem $d c$, sed $f e$ esset quæuis ordinatim applicata ad diametrum $a b$: perinde, inquam verum est si per l agatur $l h$ parallela perpendicularo $d c$ per d verticem conii & per c centrum ellipseos ducto, rectam $c h$ esse triplam rectæ $h g$. Hactenus etiam demonstrata pariter vera sunt: licet $d a b$ foret homœoconicum habens pro basi sectionem conicam.

COROLLARIUM II.

Hinc apertum est si recta $c d$ manens semper parallela rectæ $h l$ circumferatur per ambitum figuræ $e c f n b$ centrum grauitatis portionis cylindri conclusi superficie ita descriptâ esse in rectâ $g m$ per g ductâ & æquidistante rectæ $c d$; id

enim eodem planè modo demonstratur, quo ostensum fuit portionis conicæ centrum grauitatis esse in rectâ gd , vt patebit penitus inspicienti.

COROLLARIUM. III.

Hinc quoque apertum est quadrantem spatii quod portioni cylindri aut cylindracei iam descripti, cuius basis op opposita basi f, e, b transeat per d verticem, æquiponderat librâ ex c suspensâ, esse æquale spatio quod æquiponderat conicæ, vel homœoconicæ portioni habenti verticem d , & eandem basim cum portione cylindri, vel cylindracei.

Semidiameter a, c ita diuidatur in q , vt a, c ad c, q sit vt quaternarius ad ternarium. Quoniam conicum vel homœoconicum cuius centrum grauitatis est l , est tertia pars cylindri vel cylindracei eadem basi f, c, e & eadem altitudine præditi; si intelligantur tria eiusmodi conica vel homœoconica habere idem centrum l , æquiponderans tribus ex q erit ad ipsa tria vt recta ch ad c, q , siue vt recta cg ad c, a ; (nam vt c, g, ch ita ponuntur c, a, c, q ; ergo alternando vt c, g, c, a , ita c, h, c, q) sed sicut c, g recta ad c, a , ita est cylindri vel cylindracei pars memorata ad æquiponderans ex a ; ergo vt æquiponderans ex q ad magnitudinem compositam ex tribus, ita æ-

5. quar-
ti hu-
ius
coroll.
5

524. *Tetragonismicorum*

quiponderans ex a ad cylindri vel cylindracei partem iam dictam; & alternando æquiponderans ex q est ad æquiponderans ex a vt ipsæ suspensæ magnitudines; quæ cùm sint æquales, ipsa æquiponderantia erunt etiam æqualia.

Rursus quoniam æquiponderans ex q compositæ magnitudini æquat æquiponderans ex a cylindri vel cylindracei parti memoratæ, triens istius æquiponderantis ex a æquale erit spatium quod ex q æquiponderat conico vel homœoconico cuius centrum l: ergo si brachium c q mutetur in brachium c a, æquiponderans ex a conico vel homœoconico erit ad æquiponderans ex q eidem conico vel homœoconico vt est q c ad a c, hoc est ternarius ad quaternarium: ergo cùm æquiponderans ex q conico vel homœoconico sit triens vel quatuor vnciæ æquiponderantis ex a cylindri vel cylindracei memoratæ parti, æquiponderans ex a conico vel homœoconico erit tres vnciæ vel quadrans spatij quod ex a æquiponderat cylindri vel cylindracei memoratæ parti.

s. sec.
huius.

PROPOSITIO V.

Sit a c bifariam in b secta diameter cuiusuis ellipseos vel hy-

perbolæ $l c m$: recta $a k$ tangat in
 a ellipsim, illique proinde æqui-
 distans sit $l b m$. Plano $l c m$ infi-
 stat ad rectos angulos planum
 $d b c$ secans ipsum planum $l c m$
 secundum diametrum $a c$; in eo
 inuentum sit punctum d vertex
 conici cuius cum plano $l c m$ sectio
 communis sit ellipsis vel hyper-
 bola $l c m$; id enim inueniri potest
 ex conicis, cum latus figuræ rectū
 quod ibi inter data ponitur ha-
 beat, si ut $a c$ diameter prima
 ad secundam quam inter data po-
 nimus, ita fiat ipsa secunda ad
 tertiam quandam quæ ipsum la-
 tus rectum æquat, ut ex defini-
 tione secundæ diametri con-
 stat. Solidum istâ superficie conicâ
 inclusum & plano per verti-
 cem d acto secante planum $l c m$
 secundum ordinatim applicatam
 diametro $a c$, voco *condictum ho-*


54. & 55.
 primi
 conic.
 4. defi-
 nit. se-
 cund.
 prim
 conic.

mœoconicum: hyperbolicum quidem si basis eius sit hyperbolæ segmentum; ellipticum, si ellipseos; parabolicum si fuerit plani plano $d a k$ paralleli sectio cum superficie homœoconicâ. His ita definitis, propositum sit.

Inuenire parallelepipedum æquale conditō homœoconico parabolico & eius grauitatis centrum; ac proinde spatium quod ex centro b æquiponderat ipsi, posito libræ perpendicularo quod transeat per verticem homœoconici & per cētrum ellipsi hyperbolæque commune.

Sit planum $l \theta y$ parallelum plano $d a k$ secans diametrum $a c$ in quocunque puncto θ citra vel vltra c diametri ipsius terminum posito, propositum verò sit inuenire parallelepipedum æquale solido homœoconico comprehenso planis $d \theta l$, $y \theta l$ & superficie homœoconicâ.

Quoniam recta θy est parallela lateri



d a triāguli d a c per axem, sectio homœo-
 conici elliptici y θ l m erit parabola cuius
 diameter θ y; ordinatim applicata l θ m;
 omniaque plana plano y θ l parallela fa-
 cient sectiones parabolicas quarum diame-
 ter erit sectio in triangulo d a c parallela
 rectæ θ y, & in parte quidem y θ c consti-
 tutarum bases erunt ordinatim vtrinq̃ue
 applicatę ad θ c partem diametri sectionis
 l c m, eruntque parallelę ad l m rectam; in
 parte verò y θ d constitutarum bases erunt
 ordinatim applicatę ad rectam θ d, quę
 trianguli d l m basim l m bifariam secat in
 θ, eruntque parallelę ad ipsam basim l m

cum ipsa $l m$ sit quoque sectio plani $d \theta m$ incidentis in plana parabolarum parallela. Porro sectionem eiusmodi esse parabolam, ostenditur in vndecimâ primi conicorum, quandoquidem d est vertex coni inuentus paulò antè. Cæterùm punctum d quando $l c m$ est circulus vbiunque sumatur potest esse vertex coni descripti motu rectæ cuius punctum d maneat, ipsa verò per circuli peripheriam circumferatur, vt ex definitione coni palàm fit. Verùm etsi $l c m$ foret ellipsis distincta à circulo posset vbiuis sumi punctum d , nihiloque minùs parabola foret sectio illa de qua nunc agimus; istud demonstramus nos in libello quem scriptum habemus *De communi sectione plani & turbinata superficies ex puncto quiescente à lineâ rectâ per ellipsim, parabolam, & sectiones oppositas circumductâ descriptâ*; eum tamen quamuis paratum nec instituto nostro inutilem in lucem modo non damus, quod theoremate ita extenso carere possit præsens tractatus.

Con-
structio
proble-
matis.

Recta θy ita secetur in u vt sicut ternarius ad binarium ita sit portio $y u$ ad $u b$; ad hoc ex secundi equiponderantium propositione 8. vt punctum u sit centrum parabolæ cuius diameter by , & basis $l m$. Iuncta recta $d u$ ita secetur in p , vt $d p$ sit tripla rectæ $p u$, atque per p agatur $p n$ æquidistans rectæ $d b$, & occurrens diame-

tro $a c$ in n . Fiat parallelepipedum $s z$ cuius basis $s x$ sit æqualis segmento parabolæ cuius basis lm , diameter θy , altitudo autem $x z$ æquans trientem altitudinis homœoconici parabolici: atque ut semidiameter $a b$ ad $b n$, ita fiat $s z$ parallelepipedum, ad λ parallelepipedum. Dico punctum p esse centrum gravitatis homœoconici parabolici; ipsum esse æquale parallelepipedo $s z$; & solido λ æquale esse graue quod ex a pendens, librâ ex b suspensa, posito perpendicularo $b d$, æquiponderat homœoconico parabolico ut iacet manenti.

Per p agatur $q r$ parallela rectæ $b y$ occurrens lateribus trianguli $\theta d y$ in q & r ; sicut ergo θy recta & diameter segmenti diuisa est in u , ita $q r$ diameter similis segmenti diuisa erit in p ; cum ergo parallelæ ad θy rectam intra triangulum $\theta y d$ sint (ut ostensum est) diametri segmentorum parabolæ similium, ex sectione homœoconici generatorum, & similiter secentur, recta $d u$ transibit per centra gravitatis omnium sectionum; ergo centrum gravitatis homœoconici est in rectâ $d u$ per vndecimam libri antecedentis; & per corollarium secundum duodecimæ erit p centrum gravitatis homœoconici prædicti; quod erat vnum ex propositis.

Rursus quoniam parallelepipedum $s z$ habet basim $s z$ æqualem basi homœoco-

4. sexti
Euc. in
Schol.

nici, & trientem altitudinis illius; eiusmodi parallelepipedum erit triens cylindracei præditi eadem altitudine & eadem basi, vt ex vndecimâ citati libri apertum est; sed vt constat ex corollario quinto decimæ octauæ libri eiusdem, homœoconicum est etiam triens eiusdem cylindracei; ergo homœoconicum & parallelepipedum sz sunt æqualia, quod erat alterum ex propositis.

Denique quoniam perpendicularo bd parallela est recta pn , transiens per p centrum grauitatis, ipsum homœoconicum eiusmodi rectâ pn sustentatum manebit vt iacet; ergo vt brachium ab ad longitudinem bn , ita erit homœoconicum pendens ex n ad graue ex a æquiponderans, sed ita est sz ipsi homœoconico æquale ad λ ; ergo parallelepipedum λ æquale est solido, quod ex a pendens æquiponderat homœoconico, posito libræ perpendicularo bd , quod erat tertium ex propositis.

6. quadrat. parab.


SCHOLIUM.

In designandis solidis semel definitis superfluum & obscurius existimaui omnes recensere literas quibus illa consignantur; satis enim putauit esse eas adscribere quæ in plano dac currunt. Exemplo rem declaro. Vt solidum homœoconicum denotem comprehensum planis d_0b, l_0y & superficie conicâ ex vertice &

manente descriptâ motu linea $d a$ per ambitum
 $l c m$ ellipsis vel hyperbolæ, utor his verbis
 solidum homœoconicum $d \theta y$; nam hoc
 ipso quod definitio illius mente tenetur, subau-
 ditur basis $l c m$ quam linea θc inter enuntia-
 tas $d \theta$, $d y$ intercepta indicat, & plana $d \theta l$,
 $y \theta \lambda$ per rectas $d \theta$, $y \theta$ quantum satis est si-
 gnificantur. Atque hunc modum summam
 exprimendi solida notaueris in antecedentibus,
 frequentiusque aduerteres in consequentibus,
 quod semel declarare tibi debui, Lector bene-
 uole.

PROPOSITIO VI.

In epilogismum transferre præ-
 cedentis propositionis diagram-
 ma, positâ $l o m$ primùm diame-
 tro circuli deinde tribus eius
 quintis.



Sit igitur primò $l c m$ semicirculus, ordinatimque applicata $l m$ subtendens arcum $l c m$ fecet diametrum $a c$ in θ puncto congruente in hoc casu cum centro b : propositum verò sit ratiocinio inuenire parabolicum $b d y$ homœoconicum, & illi æquiponderans librâ ex b centro circuli suspensâ. Per u agatur $u \pi$ occurrens lateri $d c$ in π , & lateri $a d$ in ξ : per p agatur similiter $p \omega$ æquidistans basi $a c$, & occurrês lateribus $d a$, $d c$ in ψ , & ϕ , perpendicularo autê $d b$ in ω . Quoniâ $c d$ recta est ad $c y$ vt denarius ad quinarium, hoc est sicuti $a c$ ad θc , (est enim θy lateri $d a$ paral-

lela in triāgulo a d c) & quoniā in triāgulo
 θ y c basi θ c parallela est u π , sicut θ y ad u y,
 ita erit θ c ad u π ; ergo cū θ y sit ad u y
 vt quinque ad tria, θ c erit ad u π vt quin-
 que ad tria; eandem ob causam c y erit ad
 y π vt quinque ad tria; erit ergo ex æquo
 vt denarius ad ternarium ita d c ad y π ;
 & ita etiam erit a c ad u π ; ergo tota d π
 ad d c est vt denarius ad octonarium, siue
 vt quinarius ad quaternarium.

Quoniam verò recta d u ita secta est
 in p vt d u sit ad d p sicut quater-
 narius ad ternarium, erit u π ad p ϕ sicut
 quaternarius ad ternarium; cū ergo tota
 a c sit ad u π sicut denarius ad ternarium,
 siue sicut quadraginta ad duodecim; u π
 autem ad p ϕ sit sicut duodecim ad nouem;
 ex æquo tota a c ad p ϕ erit sicut quadra-
 ginta ad nouem.

Præterea quoniam vt recta d c ad π d,
 ita est a c basis trianguli a d c, ad paralle-
 lam ξ π , cū recta d c ad d π sit vt quin-
 que ad quatuor, erit a c ad ξ π vt quinque
 ad quatuor: ergo cū vt octo ad decē ita sit
 ξ π ad a c, & vt decem ad tria ita sit a c ad
 u π , erit ex æquo ξ π ad u π , vt octonarius
 ad ternarium, & semissis rectæ ξ π ad u π
 erit vt ad ternarium, quaternarius. Quo-
 niam ergo vt ξ π ad u π ita est \downarrow ϕ ad ϕ π
 ex scholio quartæ sexti Euc. apud Clauū;
 erit \uparrow ϕ semissis rectæ \downarrow ϕ ad ϕ p sicut est

quaternarius ad ternarium, & per conuersionem rationis sicut quaternarius ad unitatem, ita erit $\omega\phi$ ad ωp ; ergo ωp est quadrans rectæ $\omega\phi$; ergo ϕp est ad $p\omega$ ut tria ad vnum; siue ut nouem ad tria: sed $p\phi$ continet, ut ostensum est, nouem partes cuiusmodi $a c$ continet quadraginta, & semidiameter uiginti; ergo cuiusmodi semidiameter continet uiginti partes, eiusmodi tres continet recta ωp vel $b n$. Quoniam uero ut semidiameter $a b$ ad $b n$ ita est solidum cuius centrum grauitatis est p , ad æquiponderans ipsi ex a suspensum; ipsum homoeoconicum parabolicum cuius centrum grauitatis est p , erit ad æquiponderans ex a , ut uiginti ad tria.

Rursus completo parallelogramo $a d b \theta$, perpendiculares ex d in latera $a \theta$, $\theta \beta$ demissæ erunt in ratione laterum $d a$, & θ exprimant huius. Præterea quoniam solidum cuius centrum grauitatis est p , est homoeoconicum, & basim habet parabolam $\theta y l m$ quæ continet duas tertias rectanguli sub θy & $l m$ rectis contenti, ut constat ex primâ libri antecedentis; altitudo uero est perpendicularis ex d in rectam θy (erit enim hoc ipso & perpendicularis in planum parabolæ, cum planum $y \theta l$ sit rectum ad planum $a d c$, ut pote incidens per rectam $l \theta$ perpendicularem ad planum $a d c$) solidum, cuius centrum p , erit tertia pars parallelepipedum cuius altitudo sit perpendi-

cularis ex d in rectam θy demissa, basis quadratum æquale duabus tertiis rectanguli contenti sub rectis $y\theta$, l m.

Vt diameter a c ad θc portionem sui interceptam ordinatim applicatâ l m, & puncto c, ita fiat reliqua a θ portio diametri ad θd . Dico parallelepipedum cuius basis sit æqualis duabus nouenis rectanguli contenti sub rectâ θd & sub l m, altitudo verò sit æqualis perpendiculari ex d in planum circuli demissæ, esse æquale homœoconico parabolico cuius grauitatis centrum est p. Quoniam enim vt a c ad θc , ita est a d ad θy , eo quod in triangulo a c d basi a d parallela sit θy ; & vt a c ad θc , ita ex constructione est a θ ad θd ; ergo vt a d ad θy , ita erit a θ ad θd , & alternando vt a d ad a θ ; ita θy ad θd , ergo vt a d ad a θ , ita erit, ^{i. sexli} ^{Euc.} positâ eadem altitudine l m, rectangulum sub θy , l m contentum, ad rectangulum sub θd , l m comprehensum.

Rursus quoniam vt a d recta ad a θ ita est altitudo ex d in basim l c m ad altitudinem ex d in basim $y\theta$ l, vti priùs ostendimus; ergo vt altitudo parallelepipediam dicti cuius basis est duo trientes rectanguli contenti sub rectis $y\theta$, l m; ad altitudinem ex d in planum l c m, quæ competat alteri parallelepipedo habenti basim ^{32. vn-} ^{dec.} duorum trientum rectanguli sub θd , l m ^{Euc.} contenti; ita reciprocè erit huius basis ad basim illius; ergo sunt æqualia inuicem; ergo triens istius est æqualis

homœoconico iam memorato; atqui trienti istius æquale est parallelepipedum cuius eadem sit altitudo, basis autem triens sit baseos constantis duobus trientibus rectanguli contenti sub θd , $l m$: ergo cum triens duorum trientum sint duæ nouenæ, parallelepipedum cuius basis æquet duas nouenas rectanguli sub θd , $l m$ comprehensi, & altitudo sit perpendicularis ex d in planum $l c m$, est æquale homœoconico iam memorato, sicut probandum susceperamus; quæ demonstratio habet locum in utroque casu, & in quouis alio persimili etiam cum $l m$ foret in hyperbolâ.

In primo igitur casu, quem nunc tractamus, quoniam punctum θ congruit centro b , erit $l m$ diameter, ipsi $a c$ æqualis, ac proinde sicut θc est semissis rectæ $a c$, ita θd erit semissis rectæ $a \theta$; est ergo θd quadrans diametri; ergo rectangulum sub θd & sub $l m$ est quadrans quadrati quod potest diameter $a c$; ergo ex corollario vigesimæ sexti Euclidis, est æquale quadrato semidiametri $b c$; ergo parallelepipedum cuius basis sint duæ nouenæ quadrati $b c$, & altitudo æquet perpendicularem ex d in planum $l c m$ demissam, æquale est homœoconico parabolico cuius cœtrum p .

Præterea quoniam ut semidiameter $a b$ ad longitudinem $b n$, hoc est ut viginti ad tria, ita librâ $a n$ suspensâ ex b , est homœoconicum parabolicum cuius centrum gravitatis p , ad æquiponderans ex a , posito

perpendicularo b d; vt autem viginti ad tria
 siue centum octoginta ad viginti septem,
 ita sunt duæ nouenæ, siue quadraginta cen-
 tesimæ octogesimalæ ad sex centesimas octo-
 gesimas, hoc est ad vnâ trigesimam: ergo
 solidū λ quod homœoconico dicto æqui-
 ponderat ex a, æquat parallelepipedū cuius
 altitudo sit perpendicularis ex d in planū
 l c m demissa, basis verò sit vna trigesima
 quadrati quod potest semidiameter b c;
 quod primò faciendum erat.

Secundo arcus l c m subtendatur rectâ
 l m quæ sit tres quintæ diametri a c, prout
 positum fuit in secundæ huius epilogismo;
 propositum verò sit numeris definire pa-
 rabolicum θ d y homœoconicum, & illi
 æquiponderans ex a, librâ de b centro cir-
 culi suspensâ.

Eadem constructio quæ in priori casu
 cum proportione adhibeatur, eademque
 calculi methodus, iuxta quæ π conti-
 nebit tres partes, cuiusmodi π y quinque,
 & cuiusmodi d c quæ decupla est rectæ y c,
 complectitur quinquaginta: ergo sicut
 quinquaginta ad tria, ita est d c ad π y, &
 ita etiam est a c ad π u: ergo d c ad d π est
 vt quinquaginta ad quadraginta octo, vel
 vt viginti quinque ad vigintiquatuor.
 Quoniam ergo recta d u ita secta est in p,
 vt d u sit ad d p sicut quaternarius ad ter-
 narium, erit u π ad p θ sicut quaternarius
 ad ternarium. Cùm ergo tota a c sit ad u π
 sicut quinquaginta ad tria, vel ducenta ad

duodecim; $u\pi$ autem sit ad $p\phi$ sicut quatuor ad tria, vel duodecim ad nouem; erit ex æquo vt ducenta ad nouem, ita $a c$ recta ad $p\phi$.

Præterea quoniam vt $d c$ ad πd , ita est $a c$ basis trianguli $a d c$ ad parallelam $\xi\pi$, cum recta $d c$ ad πd sit vt viginti quinque ad viginti quatuor, erit $a c$ ad $\xi\pi$ vt vigintiquinque ad viginti quatuor, vel vt quinquaginta ad quadraginta octo: ergo cum vt quadraginta octo ad quinquaginta, ita sit $\xi\pi$ ad $a c$, & vt quinquaginta ad tria ita sit $a c$ ad $u\pi$, erit ex æquo vt quadraginta octo ad tria, ita recta $\xi\pi$ ad $u\pi$. Rursus quoniam vt $\xi\pi$ ad $u\pi$, ita est $\psi\phi$ ad $p\phi$ ex scholio Clauij, erit (occurso restarum $d b$, $\psi\phi$ posito in ω) ωp semissis rectæ $\psi\phi$ ad $p\phi$ vt viginti quatuor ad tria, vel vt octo ad vnum: ergo diuidendo vt septem ad vnum, vel sexaginta tria ad nouem, ita ωp ad $p\phi$: sed $p\phi$ continet, vt ostensum est, nouem partes cuiusmodi $a c$ ducentas, & semidiameter centenas; ergo ex æquo cuiusmodi semidiameter centenas continet, eiusmodi ωp vel $b n$ complectitur sexaginta tres.

Rursus quoniam recta θc est decima pars rectæ $a c$, & vt $a c$ ad θc ita est $a \theta$ ad θd , erit θd nouem centenæ partes diametri $a c$; ergo parallelepipedum cuius basis sint duæ nouenæ rectanguli contenti sub $l m$

4. sexti
Euc.

tribus quintis diametri $a c$, & sub nouem centesimis diametri eiusdem, altitudo verò æquet perpendicularem ex d in planum $l c m$ demissam æquale est in secundo casu homœoconico cuius centrum p . Cùm ergo duæ nouenæ centesimarum nouem sint vna quinquagesima; basis eiusmodi parallelepipedo erit rectangulum sub $l m$ & sub vnâ quinquagesimâ diametri, vel vnâ vigesimâ quinta semidiametri.


Rursus quoniam vt $a b$ ad $b n$, hoc est vt centum ad sexaginta tria, ita est vna quinquagesima ad sexaginta tres quinquiesmillesimas, & ita etiam est homœoconicū iam dimensum ad λ suum ex a æquiponderans, perpendiculo $b d$, librâ ex b suspensâ; eiusmodi æquiponderans erit parallelepipedum cuius altitudo sit perpendicularis ex d in planum $l c m$ demissa, basis verò rectangulum sub $l m$ & sub sexaginta tribus quinquies - millesimis diametri $a c$.

PROPOSITIO VII.

Epilogismum inire eiusdem propositionis quintæ posito arcu $l c m$ hyperbolæ primū segmentum noto, deinde segmento in quo $c \theta$ recta æquet semidiametri

540 *Tetragonismicorum*
 bc duas septimas partes prout
 posuimus in tertiâ.

Sit igitur lcm segmentum hyperbolæ
 notum, id est $c\theta, \theta l$, ac sint inuicem æqua-
 les, sitque condita $l\theta$ perpendicularis ad
 $c\theta$; propositum verò sit computare para-
 bolicum $\theta d y$ homœoconicum, & illi ex
 a æquiponderans librâ ex b centro hyper-
 bolæ suspensâ, perpendicularo $b d$.



Eadem constructio, quæ in proximè superioris propositionis duplici casu, cum proportione ponatur. Quoniam $c d$ recta est ad $c y$, ut $a c$ recta ad θc , erunt $c d$, $c y$ æquales, cū $a c$, θc ponantur etiā æquales in isto casu. Præterea sicut in prioris propositionis duplici casu ostensum est, $y \pi$ continebit tres partes, cuiusmodi $y c$ quinque complectitur; ergo cū $y c$, $d c$ sint æquales, sicut quinque ad tria ita est $d c$ ad πy , & ita etiā est $a c$ ad πu : ergo $d c$ ad $d \pi$ est ut quinque ad septem: quoniam verò recta $d u$ ita secta est in p ut $d u$ sit ad $d p$ sicut quaternarius ad ternarium, erit $u \pi$ ad $p \phi$ sicut quaternarius ad ternarium, vel duodecim ad nouem. Cū ergo tota $a c$ sit ad $u \pi$ sicut quaternarius ad ternarium, hoc est sicut viginti ad duodecim; $u \pi$ autem sit ad $\pi \phi$ sicut quaternarius ad ternarium, hoc est sicut duodecim ad nouem; ex æquo tota $a c$ ad $p \phi$ erit sicut viginti ad nouem; vel quadraginta ad octodecim.

Rursus quoniam ut $d c$ ad πd , ita est $a c$ basis trianguli $a d c$ ad parallelam $\xi \pi$; cū recta $d c$ ad πd sit ut quinque ad septem, erit $a c$ ad $\pi \xi$ ut quinque ad septem: ergo cū ut septem ad quinque ita sit $\pi \xi$ ad $a c$, & ut quinque ad tria ita sit $a c$ ad $u \pi$, erit ex æquo $\pi \xi$ ad $u \pi$, ut septem ad tria. Quoniam ergo ut $\xi \pi$ ad $u \pi$, ita est $\psi \phi$ ad $p \phi$ ex Scholio Clauij; erit (occurso rectarum $d b$, $\psi \phi$ posito in ω) $\omega \phi$ semissis rectæ

4. sexti
Euc.

$\downarrow p$ ad ϕ p sicut est septenarius ad senarium:
 & cōponendo vt tredecim ad sex, vel vt
 triginta nouē ad octodecim ita ϕ p ad ϕ p:
 sed ϕ p continet, vt ostensum est, octode-
 cim cuiusmodi a c complectitur quadra-
 ginta, & semidiameter a b viginti: ergo
 ex α quo vt triginta nouem ad viginti, ita
 est ϕ p vel b n ad a b semidiametrū. Quo-
 niam verò librā ex b suspensā perpendicu-
 lo b d, vt semidiameter a b ad b n, ita est
 solidum cuius centrum grauitatis est p, ad
 æquiperans ipsi ex a suspensum; ipsum
 homœoconicum parabolicum cuius gra-
 uitatis centrum est p, erit ad æquiperan-
 derans ex a vt viginti ad triginta nouē.

Rursus quoniam rectæ θ c, a c sunt equa-
 les, & vt a c ad θ c, ita est ad ad θ d, erit θ d ipsi
 θ a equalis: ergo parallelepipedū cuius ba-
 sis sint duæ nouenæ rectanguli contenti
 sub l m duplā diametri a c, & sub a θ du-
 plā quoque eiusdem diametri a c, hoc est,
 sint duæ nouenæ quadrati quod potest du-
 pla rectæ a c, altitudo verò æquet perpen-
 dicularem ex d in planum l c m demissam,
 æquale est homœoconico parabolico cuius
 centrum p: ergo cū quadratum a θ sit
 quadruplum quadrati a c, parallelepipedum
 cuius basis sint octo nouenæ quadrati
 a c, altitudo verò sit perpendicularis ex d
 in planū l c m demissa æquale est homœo-

conico parabolico cuius centrum p : ergo cum quadratum a θ sit quadruplum quadrati a c, parallelepipedum cuius basis sint octo nouenæ quadrati a c, altitudo verò sit perpendicularis ex d in planum l c m demissa, æquale est homœoconico parabolico cuius centrum p.

20. sex-
ti Euc.
in co-
roll.

Præterea quoniam vt semidiameter a b ad longitudinem b n, hoc est vt viginti ad triginta nouem, ita librâ suspensâ ex b, perpendiculari b d, est homœoconicum parabolicum centro p affectum, ad æquiponderans ex a: vt autem viginti ad triginta nouem ita sunt octo nouenæ ad viginti sex decimas quintas : ergo homœoconico iam dicto solidum λ æquiponderans ex a æquat parallelepipedum cuius altitudo sit perpendicularis ex d in planum l c m demissa, basis verò sit viginti sex decimæ quintæ quadrati a c.

Secundò recta c θ sit semidiametri b c duæ septimæ. Cùm iste casus non differat à priore nisi *ἄλλοις* & vt vulgò dicitur *materialiter*, satis esse duxi summam epilogismi referre. Inuenietur ergo recta d c ad πy , item a c ad πu esse vt triginta quinque ad tria, & d c ad d π vt triginta quinque ad triginta septem: sed vt d c ad d π , ita a c ad $\pi \xi$: ergo $\pi \xi$ ad a c est vt triginta septem ad triginta quinque: sed vt triginta quinque ad tria, ita est a c ad πu : ergo ex æquo vt triginta septē ad tria, ita est $\xi \pi$ ad πu , &

$\downarrow \phi$ ad ϕp : ergo vt triginta septem ad sex,
ita $\omega \phi$ ad ϕp , & componendo vt quadra-
gintatria ad sex, ita ωp , ad ϕp .

Rursus quoniam a c ad πu est vt triginta
quinque ad tria, vel centum quadraginta
ad duodecim: πu autem ad ϕp est vt duo-
decim ad nouem, erit ex æquo a c ad ϕp vt
centum quadraginta ad nouem, & a b ad
 $p \phi$ vt septuaginta ad nouem. Præterea
quoniam a b ad $p \phi$ est vt septuaginta ad
nouē vel vt quadringēta viginti ad quin-
quaginta quatuor: $p \phi$ autem ad ωp est vt
sex ad quadraginta tria, vel vt quinquaginta
quatuor ad trecenta octoginta septem,
ergo ex æquo a b ad ωp vel b n erit vt qua-
dringenta viginti ad trecenta octoginta
septem.


Rursus quoniam a c ad c θ est vt septem
ad vnum, & vt a c ad c θ , ita est θa ad θd ,
erit θd octo, cuiusmodi a c quadraginta
nouem: & duę nouenę rectę θd erunt sex-
decim, cuiusmodi a c quadringenta qua-
draginta & vnum: ergo parallelepipedum
cuius basis sit rectangulum sub l m & sub
sexdecim quadringentesimis quadrage-
simis vnis diametri a c, altitudo verò per-
pendicularis ex d in planum l c m est æ-
quale homœoconico parabolico cuius
centrum p. Quoniam ergo vt a b brachiū
ad longitudinem b n, ita est homœoconi-
cum cuius centrum p ad suum ex a æqui-
pouderans, librâ ex b suspensâ, posito per-
pen-

pendiculo d b; vt autem quadringenta viginti ad trecenta octoginta septem, hoc est vt a b ad b n, ita sunt sexdecim quadringentesimæ quadragesimæ vnæ ad centum septuaginta duas quinquies-millesimas centesimas quadragesimas quintas; solidū λ æquiponderans iam dimenso homœoconico parabolico erit parallelepipedum cuius altitudo perpendicularis ex d ad planū l c m, basis rectangulū sub l m quatuor septimis diametri a c, & sub eiusdē diametri a c centum septuaginta duabus quinquies-millesimis centesimis quadragesimis quintis.

PROPOSITIO VIII.

Hisdem manentibus inuenire homœoconico elliptico & hyperbolico æquiponderans, posito libræ perpendicularo quod transeat per verticem homœoconici & per centrum ellipsi hyperbolæ que commune.

Inueniatur ex præscripto vigesimæ quintæ libri quarti parallelepipedum s z æquale solido quod ex a pendens æquiponderat



cylindraco cuius basis eadem sit quæ homœoconici elliptici, vel hyperbolici; linea autem describens superficiem cylindraco sit parallela libræ perpendicularo db . Dico quadratam eiusmodi parallelepipedum esse æquale solido quod homœoconico elliptico, vel hyperbolico æquiponderat ex a pendens iisdem positis. *Istud apertum est ex corollario tertio quarta propositionis.*

COROLLARIUM I.

Quoniam per quintam inuentum est solidum λ quod iisdem positis æquiponderat

homœoconico parabolico; & ex præ-
 senti inuenta est quarta pars solidi s z,
 quæ æquiponderat homœoconico ellipti-
 co aut hyperbolico; si sumatur æquiponde-
 rantium differentia i, apertum est spatium
 i æquiponderare differentiæ qua homœo-
 conicum parabolicum d l m θ y contentum
 planis d θ m, y θ m & superficie homœo-
 conicâ superatur ab elliptico d θ l c m con-
 tento superficie homœoconicâ, & planis
 d θ l, l c m: vel qua hyperbolicum supera-
 tur à parabolico. Tradita igitur est metho-
 dus inueniendi, posito eodem perpendicu-
 lo, spatium i quod ex a pendens æquipon-
 deret differentiæ modo memoratæ, quam
condictam voco, & quæ continetur superfi-
 cie homœoconicâ & planis y θ l, l c m.

COROLLARIUM. II.

Cum ex vigesimâ quintâ prioris libri,
 in primo casu propositionis sextæ æqui-
 ponderans semicylindro sit parallelepipe-
 dum cuius altitudo est perpendicularis ex
 vertice d in planum l c m demissa, & basis
 duo trientes quadrati quod potest semidia-
 meter; æquiponderans semicono cuius ver-
 tex d, erit parallelepipedum eadem altitu-
 dine constructum, cuius basis sit quadrans
 duorum trientum, id est sit sextans quadra-

ti ex semidiametro. Quoniam ergo sextan
 æquat quinque trigesimas, planè constat
 deductâ vnâ trigesimâ quæ ex huius sextâ
 æquiponderat homœoconico parabolico,
 relinqui quatuor trigesimas vel duas deci-
 mas quintas eiusdem quadrati pro basi pa-
 rallelepipedi eadem altitudine constructi &
 æquiponderantis differentiæ conditiæ in
 primo casu allegato, quâdo nimirum $l c m$
 est semicirculus.

At in secundo quando ordinatim appli-
 cata $l m$ est tres quintę diametri $a c$, cum
 æquiponderans portioni cylindri eadem
 basi præditæ sit ex corollario secundæ pa-
 rallelepipedum cuius altitudo est perpen-
 dicularis ex d in planum $l c m$, basis verò
 rectangulum comprehensum sub $l m$ &
 sub tribus vigesimis quintis semidiametri,
 aut sub tribus quinquagesimis diametri,
 quadrans trium quinquagenarum erit tres
 ducentesimę. Quoniam ergo tres ducente-
 simæ æquant septuaginta quinque quin-
 quies-millesimas, liquet deductis sexagin-
 ta tribus eiusdem modi sub quibus & sub
 eadem $l m$ basis parallelepipedi & altitudine
 iam memoratâ præditi, comprehenditur ex
 huius sextâ, relinqui duodecim quinquies-
 millesimas, hoc est tres millesimas ducen-
 tesimas quinquagesimas diametri $a c$, sub
 quibus & sub eadem $l m$ comprehendatur
 basis parallelepipedi eadem altitudine præ-
 diti, & æquiponderantis differentiæ condi-

et in secundo casu sextæ propositionis iam laudatæ.

Similiter cum in primo casu septimæ æquiponderans portioni cylindracei eadem basi præditæ sit ex corollario tertie huius libri, vel ex corollario quarto vigesimæ quintæ antecedentis libri, parallelepipedum cuius altitudo est perpendicularis ex d in planum l c m, basis verò octo trientes quadrati quod potest diameter a c; quadrans octo trientum erunt duo trientes. Quoniam ergo duo trientes æquant decem decimas quintas, manifestum est si ex deducantur de parallelepipedo λ, hoc est ex septimâ iam laudatâ de viginti sex decimis quintis eiusdem quadrati a c, relinqui sexdecim decimas quintas eiusdem quadrati a c, quæ æquiponderent differentie conditæ.

Demum cum in secundo casu eiusdem septimæ æquiponderans portioni cylindracei eadem basi l c m, qua homœoconicum hyperbolicum d c l m præditæ, sit ex corollario tertie parallelepipedum cuius altitudo est perpendicularis ex d in planum l c m demissa; basis verò rectangulum comprehensum sub m l & sub diametri a c sexdecim centesimis quadragessimis septimis; quadrans erit quatuor eiusmodi partes, ac proinde parallelepipedum dictâ iam altitudine constructum, & habens basim æqualem rectangulo sub m l & sub quatuor centesimis quadragessimis septimis diametri a c contento. Quoniam ergo quatuor cen-

tesimæ quadragesimæ septimæ æquant
centum quadraginta quinquies-millesimas
centesimas quadragesimas quintas, apertū
est si eæ deducātur de parallelepipedo λ basi
hoc est, ex septimā iam laudatā, de centum
septuaginta duabus eiusdem mensuræ par-
tibus, relinqui triginta duas quinquies mil-
lesimas centesimas quadragesimas quintas
diametri a c, sub quibus & sub m l com-
prehensum rectangulum sit basis parallele-
pipedo dictā altitudine erecti, & quod dif-
ferentiæ conditæ æquiponderet.


SCHOLIVM.

In corollario primo iussimus sumi differen-
tiam solidi λ & quartæ partis s z ut haberetur
æquiponderans differentiæ conditæ; istud verò
intelligi debet quando brachium libræ sustinen-
tis homœoconicum parabolicum est ad easdem
partes obuersum ad quas brachium libræ susti-
nentis homœoconicum ellipticum aut hyperbo-
licum: si enim ad oppositas partes brachia fo-
rent conuersa, summa ex quartâ parte solidi
s z & ex solido λ exhiberet æquiponderans
quæsitum. Prætermisimus tamen istum casum,
quia nobis necessarius non est ad præsentem te-
tragonismum, ut ex demonstrandis patebit,
aliunde verò tot casuum multitudine legentis
attentio & animi vigor opprimi solet.

PROPOSITIO IX.

Sit triangulum quodcunque bac cuius basim bc bifariam secet ad ex angulo a opposito educta; sit item ut octonarius ad quinarium ita bc ad be , perque e acta sit eg æquidistans lateri ec , occurrens rectæ ad in f , & lateri ba in g . Ostendendum est ut se habet quaternarius ad vnitatem, ita esse rectam ad ad df , & ut se habet ternarius ad binarium ita esse gf ad fe .

p. 551



Quoniam in triangulo $a d c$ lateri $a c$ parallela est $f e$, ergo vt $c d$ ad $d e$, id est vt quaternarius ad vnitatem, ita est $a d$, ad $d f$. Per g agatur $g h$ parallela rectæ $b c$ occurrens in h rectæ $a d$. Quoniam in triangulo $a b c$ lateri $a c$ parallela est $g e$, vt $b e$ ad $c e$, id est vt quinarius ad ternariū, ita $b g$, ad $g a$: similiter quia in triangulo $a b d$ lateri $b d$ parallela est $g h$, vt $b g$, ad $g a$, id est vt quinarius ad ternarium, ita $d h$ ad $h a$: ergo cum diuisâ $d a$ in octo partes, recta $d f$ contineat duas, recta $h a$ tres, residua $h f$ continebit etiam tres; ergo vt ternarius ad binarium, ita $h f$ ad $f d$: sed vt $h f$ ad $f d$, ita $g f$ ad $f e$ (eò quòd triangula $g f h$, $e f d$ sint similia) ergo vt ternarius ad binarium, ita $g f$ ad $f e$: ergo $d f$ est quadrans rectæ $a d$, & $g f$ ad $f e$ est vt ternarius ad binarium, quod erat ostendendum.

2. sexti
Euc.

COROLLARIUM. I.

Hinc patet si per b & f ducatur recta $b f$ occurrens lateri $a c$ in i (quæcunque $l n$ rectæ $g l$ parallela ducatur in triägulo $a b c$) vt $g f$ ad $f e$, hoc est vt ternarius ad binariū, ita esse rectam $l m$ ad $m n$; in triägulo enim $a b c$, recta $b i$ educta ex triangulo b opposito sicut secat basim $a c$ in i , ita & omnes ipsi basi parallelas, quarum vna est $g e$; sed $g f$ ad $f e$ est vt ternarius ad binarium: ergo &c.

COROLLARIUM. II.

Si abc sit triangulum per axem homœoconicæ figuræ, cuius basis sit ellipsis boc , vel hyperbola bs circa diametrum bc descripta, cuius coniugata sit du : & si eiusmodi solidum homœoconicum secetur plano quocunque lno , vel qrs cuius cum triangulo abc vel rbq sectio sit recta ln vel qr æquidistans lateri ac , & cum basi sit recta no vel rf æquidistans rectæ du ; manifestum est sectionem plani lno vel qrs cum homœoconico elliptico vel hyperbolico habere centrum gravitatis in rectâ ib productâ. Ostensum est enim in quintâ sectiones istas esse parabolas, quarû diametri sint ln , qr : ergo cum ln , qr ita sectæ sint in m, p vt portiones lm , qp sint ad portiones mn , pr sicuti ternarius ad binarium, segmenta eiusmodi parabolæ habebunt centrum gravitatis in punctis m & p , ex octavâ secundi *Æquiponderantium* Archimedis.

COROLLARIUM III.

Inde ulterius efficitur centrum gravitatis differentiæ conditæ de qua agit corollarium primum præcedentis esse in rectâ ibp ; cum enim omnes eius sectiones cum plano parallelo ipsi lno habeant centrum

grauitatis in rectâ i b p, tota differentia habebit centrum grauitatis in eadem i b p ex vndecimâ libri quarti.

COROLLARIUM. IV.

Si per b ducatur recta b t æquidistans rectæ d a, & occurrens rectæ e f in t, ostendi ex dictis potest rectam f t esse lateri a c æqualem, rectam verò b t esse ad d a, vt est quinarius ad quaternarium. Quoniam enim in triangulo t b e basi t b parallela est d f; sicut b d est quintupla rectæ d e, ita b t erit quintupla rectæ d f; sed d f est quadrans rectæ d a; ergo recta b t est ad rectam d a vt quinarius ad quaternarium. Rursus quoniâ in triangulo a d c lateri a c parallela est f e; sicut a d ad f d, ita erit a c ad f e; sed a d ad f d est vt quaternarius ad vnitatem; ergo a c ad f e est vt quaternarius ad vnitatem, siue vt recta b d ad d e: sed vt recta b d ad d e, ita est t f ad f e (eò quòd in triangulo t b e lateri t b parallela sit f d) ergo recta t f æqualis est lateri a c; ac proinde recta t f ad t b est vt recta a c ad quinque quadrantes rectæ a d.

4. sexti
Euc. in
coroll.

2. sexti
Euc.
9. quin
ti Euc.


PROPOSITIO X.

Reuocatâ figurâ propositionis quintæ, ita secta sit c a diameter in

n, vt ipsa c a sit ad cn sicuti octo-
narius ad quinarium; per n (quod
voco punctum suspensionis se-
cundæ notum) acta sit no lateri
ad æquidistans & occurrens re-
ctæ bd in o. Propositum sit inue-
nire, posito no perpendicularo li-
bræ ex n suspensæ, spatium quod
æquiponderet differentiæ condi-
ctæ de qua agit primum octauæ
corollarium, pendens ex brachio
equante perpendiculararem caden-
tem ex a in rectam by & ex cen-
tro b eductam parallelôs lateri
ad.

Vt quatuor ad quinque ita fiat solidum
inuentum in primo iam allegato corolla-
rio octauæ propositionis ad solidum s: ad
no ex n excitetur perpendicularis ut æ-
qualis perpendiculari cadenti ex a in rectâ
yb. Dico spatium quod, librâ t n suspensâ
ex n, pendens ex t æquiponderat differen-
tiæ condictæ vt iacet manenti & susten-
tata à librâ t n esse æquale solido s.

P. 556.



i. x. s.

λ. g.

Perpendiculari ex a in rectam d b demissa
 scilicet abscindatur ex recta n t æqualis n u :
 item ut latus a d ad quinque quadrantes
 rectæ b d ita fiat solidum i ad solidum x :
 præterea per c agatur c p æquidistans rectæ
 b d, cui n o producta occurrat in p, & com-
 pleatur p o q c parallelogrammum, iun-
 gaturque eius diameter o c. Quoniam ex
 nonæ corollario tertio differentia condita
 habet centrum gravitatis in recta o c r, quæ
 est diameter parallelogrammi p o q c pro-
 ducta; & quoniam posito perpendiculo
 o d, brachio libræ æquante rectam n u, æ-
 quiponderans differentiæ conditæ est so-

lidum i: vt latus c q vel op ad latus cp, ita erit ex primâ huius equiponderans i respondens perpendicularo o d, ad equiponderans ex u, quod perpendicularo n o respondet: sed op latus ad cp est vt latus ad ad quinque quadrantes recte bd ex quarto corollario præcedentis: ergo vt latus ad ad quinque quadrantes rectæ bd, ita est solidum i ad æquiponderans ex u: sed ita etiam est solidum i ad solidum x: ergo æquiponderans ex u æquale est solido x.

9. quin
ti Euc.

Rursus quoniam ad, by sunt parallelæ, perpendicularis ex a in rectam by cadens æqualis erit perpendiculari ex b in rectam ad cadenti: & quoniam perpendicularis ex bad rectam ad demissa se habet ad perpendicularem quæ ex a ad rectam bd demissa fuerit, sicuti se habet db recta ad rectam ad (sunt enim bd, ad sinus toti, & perpendiculares sinus recti eiusdem anguli ad b; ergo vt sinus toti sine radii, ita sinus ipsi recti) brachium libræ interceptum perpendicularis ad, by ex recta ab portionem semidiametro ab æqualem auferentibus, se habebit ad aliud brachium interceptum perpendicularis bd, az ex rectâ ab portionem semidiametro ab æqualem auferentibus, vt se habet recta bd ad ad: ergo vt recta bd ad da, ita est brachium nt ad n u; ergo per octauam secundi libri vt recta bd ad da ita est x spatium ex u pendens

æquiponderansque differentiæ condictæ, ad spatium ex t pendens eidemque æquiponderans differentiæ; illud sit λ .

Præterea quoniam vt solidum i ad solidum x, ita ponitur recta a d ad quinque quadrantes rectæ d b; & vt solidum x ad solidum λ , ita ostensum est esse rectam b d ad d a: est ergo perturbata ratio istarum magnitudinum, atque solidum i ad solidum λ erit vt recta d b ad quinque quadrantes ipsius d b; est ergo solidum λ æquale quinque quadrantibus solidi i; sed solidum s ponitur etiam æquale quinque quadrantibus solidi i; ergo solida λ & s sunt æqualia inuicem: ergo solidum s pendens ex t æquiponderat differentiæ condictæ, posito libræ perpendicularo n o: ergo inuentum est solidum s prout iussum fuerat.

COROLLARIUM. I.

Si per t agatur t f recta equidistans lateri a d, occurrens diametro b a productæ in f, patet rectam n f esse æqualem rectæ a b: cum enim ponamus rectam n t esse æqualem interuallo rectarum a d, b y; & cum rectæ f t, n o equidistant eodem interuallo, ergo rectæ b a, n ferunt æquales; ac proinde ablatâ eadem a n, residuæ b n, a ferunt inuicem æquales; erit ergo f a quadrans semidiametri a b.

10. sexti
Euc.

COROLLARIUM II.

Quoniam in corollario secundo octauæ statuimus quando basis $l c m$ est semicirculus, solidum i esse æquale parallelepipedo cuius altitudo æquet perpendicularem cadentem ex d in planum $l c m$, basis verò constet quatuor trigesimis quadrati $b c$; ex præsentis aperte sequitur librâ ex n suspensâ per no perpendiculum, solidum s , quod ex t æquiponderat differentiæ condictæ, esse æquale parallelepipedo eiusdem altitudinis, habenti basim conflatam ex quinque trigesimis quadrati $b c$; sed quinque trigesimæ æquant sextantem; ergo parallelepipedo æqualis solido s basis est sextans quadrati $b c$, & altitudo æquat perpendicularem quæ ex d in planum ellipseos vel hyperbolæ cadit.

Similiter quoniam in eodem corollario conclusimus quando $l m$ est tres quintæ diametri $a c$ in circulo ex centro b descripto, solidum i esse æquale parallelepipedo cuius altitudo æquet perpendicularem ex d in planum $l c m$, basis verò rectangulum sub $l m$ & sub tribus millesimis ducentessimis quinquagesimis diametri $a c$: ex præsentis sequitur librâ ex n suspensâ, perpendiculo no , solidum s , quod ex t æquiponderat differentiæ condictæ, esse æquale parallelepipedo eiusdem altitudinis habenti

basim rectangulum sub rectâ $l m$ & sub tribus millesimis diametri $a c$ comprehensum.

Item quia in eodem corollario statuimus quando $l c m$ est segmentum hyperbolæ notum iuxta primum septimæ casum, solidum i esse æquale parallelepipedo cuius altitudo æquet perpendicularem cadentem ex d in planum $l c m$, basis verò sexdecim decimas quintas quadrati $a c$: ex præsentis colligitur librâ ex n suspensâ, perpendiculo $n o$, solidum s , quod ex t æquiponderat differentiæ condictæ, esse æquale parallelepipedo eiusdem altitudinis habenti basim quatuor trientes quadrati $a c$.


Postremò quandoquidem in eodem corollario probauimus, quando $l c m$ est alterum hyperbolæ segmentum notum iuxta secundum septimæ casum, solidum i esse æquale parallelepipedo cuius altitudo æquet perpendicularem ex d in planum $l c m$ demissam, basis verò sit rectangulum sub $l m$ & sub triginta duabus quinquiesmillesimis centesimis quadragesimis quintis diametri $a c$; ex præsentis sequitur librâ ex n suspensâ, perpendiculo $n o$, solidum s , quod ex t æquiponderat differentiæ condictæ, esse æquale parallelepipedo eiusdem altitudinis habenti basim rectangulum sub rectâ $l m$ & sub octo millesimis vigesimis nonis diametri $a c$ comprehensum.

PROPOSITIO XI.

Resumptâ figurâ præcedentis propositionis, linea quædam perpêdiculo no manēti parallela intelligatur moueri per limbum segmenti lcm , & ita describere superficiem cylindraceam; item ductâ per c tangente ce , ideóque ipsi lm æquidistante, intelligatur eiusmodi cylindraceū secari plano dce in infinitū producto. Portio cylindracei definita planis dce , lcm & superficie cylindraceâ vocetur *alter cuneus notus*, vt distinguitur à *primo cuneo noto* propositionis vigesimæ sextæ libri quarti.

His ita constitutis, propositum sit inuenire spatium quod ex puncto f pendens, librâ ex n suspensâ, perpêdiculo no , æquiponderet

562 *Elementorum Liber V.*
 cunei alterius notæ portioni inter
 quæuis conductæ plana parallela
 septæ.



i. x. s.
 λ. g.

Vt binarius ad ternarium ita fiat solidū
 si inuentum in præcedenti ad solidum g.
 Dico spatium g esse illud quod quæritur.
 Quoniam enim cuneus alter ad differen-
 tiam conductam ipso inclusam ita se habet,
 vt si quocunque ad planum k a d equidi-
 stante plano secetur, sectio cunei sit, vt
 mox ostendetur, ad sectionem differentiæ
 conductæ vt ternarius ad binarium, ipsum
 quoque cuneo equiponderans erit ad equi-
 ponderans conductæ differentiæ vt ternari-

rius ad binarium, prout ex vndecimâ anterioris libri constat: ergo spatium g æquiperat cunei alterius noti designatæ portioni.

Sectionem autem eiusdem cunei esse ad sectionem differentiæ conditæ, ut est ternarius ad binarium ostenditur hoc pacto.

Primum quidem cunei sectionem esse parallelogrammum cuius duo latera parallela sint perpendiculari no , eadem plane ratione probatur, qua in prioris libri vigesima primâ in causâ non multum discrepante; sectionem differentiæ conditæ esse parabolam cuius diameter sit parallela lateri ad constat ex quintâ huius; ex primâ verò antecedentis libri modo citati clarum est parabolæ segmentum esse duos trientes parallelogrammi cuius latus unum sit ipsa segmenti basis, aliud oppositum sit tangens parabolam; & duo alia sint diametro segmenti parabolici parallela; ergo cunei sectio est ad sectionem conditæ differentiæ ut ternarius ad binarium: ergo inuentum est spatium ex præscripto problematis.

COROLLARIUM I.

Ex præcedentis secundo corollario & ex istâ demonstratione consequens fit primò quando arcus $l c m$ est semicirculus, solidum g esse æquale parallelepipedo cuius altitudo æquet perpendicularem ex d in

planum $l c m$ demissam, basis verò quadrantem quadrati $b c$: nam vt binarius ad ternarium, ita est sextans siue vnciæ binæ, ad quadrantem siue ad vncias ternas.

Secundò quando $l m$ est tres quintæ diametri $a c$, ex eodem corollario secundo & ex præfenti sequitur solidum g esse æquale parallelepipedo cuius altitudo æquet perpendicularem $ex d$ in planū $l c m$ demissā, basis verò rectangulū sub $l m$ & sub nouē bis-millesimis diametri $a c$ cōprehensum, quod est æquale viginti septem decies millesimis quadrati $a c$: nam vt binarius ad ternarium ita tres millesimæ ad nouem bis-millesimas; & vt quinaris ad ternarium, hoc est, diameter $a c$ ad $l m$ ita nouem bis-millesimæ ad viginti septem decies-millesimas; ac proinde rectangulum sub mediis æquale est rectangulo sub extremis.

Tertio quando $l c m$ est primum segmentum hyperbolæ notum indidem conficitur solidum g esse æquale parallelepipedo cuius altitudo æquet perpendicularem $ex d$ in planum $l c m$ cadentem, basis verò sex trientes, hoc est duplum quadrati ac : nam vt binarius ad ternarium, ita quatuor trientes quadrati $a c$ ad sex eiusdem trientes, hoc est ad duplum eiusdem.

Quartò quando $l c m$ est alterum hyperbolæ segmentum notum, ex iisdem consequitur solidum g esse æquale parallelepipedo cuius altitudo æquet perpendicularem

ex d in planum l c m demissam, basis autem rectangulum sub l m & sub duodecim millesims vigesimis nonis, hoc est sub quatuor trecentesimis quadragesimis tertijs diametri a c; illi autem rectangulo æquales sunt quadrati a c sexdecim bis-millesimæ quadringentesimæ primæ quadrati a c; nam vt septenarius ad quaternarium, hoc est vt a c diameter ad l m, ita quatuor trecentesima quadragesimæ tertiæ ad sexdecim bis-millesimas quadringentesimas primas, vt ex logisticâ constat; ergo est æqualitas inter memorata rectangula, cum eorum latera reciproca sint.

COROLLARIUM II.

Quoniam ex nonâ punctum o ita diuidit axem coni cuius triangulū per ipsum axem est a d c, vt d o sit tripla rectæ o b ex duodecimâ quarti; & quia coni d a c cylindrique præscripto modo descripti sectiones effectæ occursum plani cuiuslibet conducti sunt ut binarius ad ternarium; in eodem conducto plano per n o perpendicularum ducto manebit centrum grauitatis cunei secundi noti a c d; ac proinde si libro ex a perpendicularo a d suspēdatur, brachia æquantē distantiam punctotum a, c, vt diameter a c ad a n, hoc est vt octonarius ad ternarium, ita erit cuneus secundus notus a c d ad æquiponderans suum: istud ergo

28, vn-
dec.
Euc.

æquiperans erit tres octauæ cunei. Quoniam verò iste cuneus est dimidium cylindri, cuius basis opposita basi lcm transeat per d (istud enim simili quadam ratione, qua apud Euclidem de solido parallelepipedo, ostenditur quando cunei basis est ellipsis integra, vel eius portio composita ex æqualibus & similibus ad opposita centri b partibus positis inter æquales ordinatim applicatas) *æquiperans* ipsi cuneo erit æquale tribus decimis sextis eiusdem cylindri.

SCHOLIUM.

Recta ad vi demonstratorum hætenus potest ad rectam a c esse vtcunque inclinata; nos tamen in sequentibus maioris lucis causâ ponemus esse perpendicularem, vt ipsa non discrepet à perpendiculari ex d in planum lcm demissa; atque adeo linea recta no vel ad parallela describens motu suo superficiem cylindræam sit quoque ad planum lcm perpendicularis,

Cæterum quando lcm est triens circuli; solidum g præsentii methodo inuenimus esse parallelepipedum cuius altitudo sit perpendicularis ex d in planum lcm demissa, basis verò rectangulum sub lm latere trianguli æquilateri inscripti, & sub tribus sexagesimis quartis semidiametri bc ; vel sub semilatero dicto & sub tribus sexagesimis quartis diametri ac .


PROPOSITIO XII.

Sit ellipsis vel hyperbola $c r$ ex centro b descripta, cuius diameter $a c$ punctis a & c terminetur, eique coniugata sit $b l$: ad planum ellipsis vel hyperbolæ $c r$ per $a c$ insistat rectum planum $a d c$, & in eo sit $n o$ recta perpendicularis ad $a c$ diametrum, semidiametrumque $a b$ ita in b secet ut $n b$ sit quadrans ipsius $a b$: ellipsis vel hyperbola $c r$ sit ut in præcedenti propositione basis cylindracei descripti motu lineæ æquidistantis rectæ $n o$: ultra centrum b ad partes c sumptum sit quoduis punctum i , & per illud ducta $i t$ faciens cum $a c$ angulum acutum $a i t$ ad partes centri, qui vocetur *internus*, & angulum ad verticem i isti oppositum, qui vocetur *exter-*

nus: per *i* ducta sit condita *ri*, id est parallela semidiametro *b l*, & intelligatur planum *t i r*, eique parallelum *d c* secare cylindraceam figuram; erit *a c d* cuneus alter notus, cuneus autem *a i t* vel *ei* ad verticem *i* oppositus vocetur medius: vt *b i* ad semidiametrum *b c*, ita fiat *b n* recta ad *b s*, & agantur per *b* & *s* rectæ *b u*, *s t* æquidistantes rectæ *n o*. Voco *b* punctum primæ suspensionis; *n*, secundæ; *s*, tertiæ; & *b u*, *n o*, *s t*, perpendiculum primæ, secundæ, tertiæ suspensionis.

His ita constitutis propositum sit inuenire spatium quod æquiperat portioni cunei medij habētis ellipsim vel hyperbolam pro basi, & plano *y b l* ad partes *a* finiti, interceptæ quibuscunque planis condictis, brachio æquantē distantiam perpendiculorum

b y, a d, & positâ libræ suspensio-
ne tertiâ ex s.



Condicta plana sumi possunt uel ad par-
tes anguli interni uel ad partes externi, ex
illis enim duobus casibus soluitur tertius,
quando nimirum plana condicta sunt ad
partes angulorum oppositorum.

Pro primo casu designata sint condicta
plana $\lambda z \pi$, $p i r$ in ellipsi quidem ad par-
tes interni $n i o$, puncto i cadente inter b
& c ; in hyperbolâ verò ad partes externi
 $\lambda i z$ puncto c cadente inter b & i , prout in
altero appositorum schematum designatur.

Primus
casus.

Ut $b i$ recta ad $b c$, ita fiat $i \downarrow$ quadrans
 rectæ $i p$ inter rectas $a c$, $c d$ clausæ & æ-
 quidistantis rectæ $b u$, ad $i x$, & completo
 parallelogrammo $i x e z$ inueniantur per
 vigesimam quintam quarti libri spatia A ,
 B , librâ suspensâ ex b primo suspensionis
 puncto, æquipōderātia cylindraccis $i p \mu \lambda$,
 $i x e z$ singula singulis, brachio æquante
 rectam $b a$, siue distātiā parallelarum $a d$,
 $b u$. Inueniatur ex vndecimâ huius spatii
 D ex n secundo suspensionis puncto æqui-
 ponderans cunei alterius noti portioni
 $\mu p i z$; ex D demantur A , B , restetque E .
 Dico spatium E suspensâ librâ ex s tertio
 suspensionis puncto, æquiponderare cunei
 medii portioni $\lambda i z$.

Quoniam ut $b i$ recta ad $b c$, ita est $i \downarrow$
 ad $i x$ vel (productâ $e x$ donec occurrat re-
 ctæ $c q$ in v) ad $c v$; ergo alternendo $b c$, $c v$
 sunt ut $b i$, $i \downarrow$; ergo si compleātur triangu-
 lab $c v$, $b i \downarrow$ erunt similia, ac proinde an-
 gulus $c b v$ æqualis angulo $i b \downarrow$, rectæ ergo
 $b \downarrow$, $b v$ sibi inuicem congruunt. Recta $b \downarrow$
 producta occurrat rectæ $z \mu$ in g , & per \downarrow
 agatur $\downarrow h$ æquidistans rectæ $x e$.

Rursus quoniam in triangulo $v e g$ lateri
 $v e$ æquidistat $\downarrow h$, & lateri $g e$ æquidistat
 $\downarrow x$. ut $n x$ ad $x e$, ita erit $v \downarrow$ ad $\downarrow g$, & ut $v \downarrow$
 ad $\downarrow g$ ita erit $e h$ ad $h g$; ergo ut $v x$ ad $x e$,
 siue ut $c i$ ad $i z$, ita $e h$ ad $h g$. Eadem de
 causâ cum in triangulo $c \mu z$ recta $i \lambda$ æ-
 quidister lateri $c \mu$, ut $c i$ ad $i z$, ita

erit $\lambda \mu$ ad $z \lambda$ ergo vt $e h$ ad $h g$,
 ita $\lambda \mu$ ad $z \lambda$. Cuneus ergo $\downarrow h g$ est ad cu-
 neum $i z \lambda$ vt recta $h g$ ad $z \lambda$, vel vt recta
 $h e$, hoc est $x \downarrow$, ad $\lambda \mu$ vel ad $p i$; & in eadem
 ratione est cylindraceum $x e h \downarrow$ ad $p i \lambda \mu$,
 vt ex vndecimâ prioris libri, vel ex sextâ
 primi solidis accommodatâ constat: quo-
 cunque enim plano condicito fecentur, fe-
 ctiones sunt vt recta $h g$ ad $z \lambda$, quod faci-
 lè admittit, qui demonstrationis in vigesi-
 mâ primâ libri quarti adductæ meminit.

Rursus quoniam vt $b i$ ad $b c$, ita poni-
 mus esse $b n$ ad $b s$, ergo diuidendo,
 vel per diuisionem rationis, vt $b i$ recta
 ad $c i$, ita erit $b n$ recta ad $s n$: sed vt
 $b i$ recta ad $c i$, ita est $i \downarrow$ recta ad $x \downarrow$ (eo
 quod in triangulo $b i \downarrow$ rectæ $c v$, $v \downarrow$ æ-
 quidistant lateribus $i \downarrow$, $i c$) ergo vt $b n$ ad
 $s n$, ita est $i \downarrow$ ad $x \downarrow$. Cùm igitur vt $a b$ ad
 $b n$ sui quadrantem, ita sit $i p$ ad $i x$, & vt
 $b n$ ad $s n$, ita sit $i \downarrow$ ad $x \downarrow$, erit ex æquo vt
 $a b$ ad $s n$, ita $i p$ ad $x \downarrow$: sed vt $i p$ ad $x \downarrow$, ita
 ostendimus esse $i \lambda z$ ad $\downarrow h g$; ergo vt $a b$
 ad $s n$, ita $i \lambda z$ ad $\downarrow h g$.

Quoniam ergo ex n secundo puncto sus-
 pensionis æquiponderans cylindracei por-
 tioni $p i \lambda \mu$ est per decimam secundi spa-
 tium primæ suspensionis A vnâ cū ipsius
 quadrante $i \downarrow h z$: ergo conflatum ex A, B
 (est enim B æquale portioni $i \downarrow g z$ cunei
 primi noti $b c v$ ex vigesimâ sextâ libri
 quarti) æquale est æquipõderanti ex s librâ
 suspensâ cylindraceo $p i \lambda \mu$, & in super por-

tioni \downarrow h g in hyperbolæ schemate ; in ellip-
 sis verò diagrāmate cōflatū ex A B vñā cū
 portione \downarrow h g æquat dictum æquiponde-
 rans : ergo si de spatio D , quod indidem
 cuneo i p μ z æquiponderat , deducantur
 A B relinquetur spatium E quod in hyper-
 bolâ auctū spatio h \downarrow g, vel eo minutum in
 ellipsi æquiponderabit cuneo i λ z : cūm igi-
 tur vt recta a b ad n s , ita sit i λ z ad \downarrow h g,
 si suspensio ex n secundo puncto , transfe-
 ratur iu tertium s , æquiponderans cuneo
 medio i λ z erit E , per decimam secundī li-
 bri citatam , quod pro primo casu debui-
 mus demonstrare.


Secun-
 dus ca-
 sus. Secundò condicta plana cadant ad partes
 anguli interni c i q in hyperbolâ, & exter-
 ni in ellipsi, puncto i manente vt in figuris
 primi casus, quæ isti etiam deseruiunt : ea
 verò sint p i r, q c ϕ . Rectæ p i sit i \downarrow quadrās
 vt in priori casu , productaque h \downarrow occur-
 rat rectæ c v in m. Inuenta sint A & B li-
 brâ suspensâ ex b primo suspensionis pun-
 cto æquiponderantia cylindræis q c p i,
 c v xi singula singulis vt in præcedente
 casu ; inuentum quoque sit spatium D ex
 n secundo suspensionis puncto æquiponde-
 rans noto cuneo altero c.p i, atque ex A B
 deductum D relinquat spatium E. Dico
 ipsum E librâ suspensâ ex tertio n suspen-
 sionis puncto , æquiponderare cuneo me-
 dio c i q.

Quoniam cylindræo c v xi ex b equi-

ponderat spatium B, erit ipsum B ex vigesima sexta libri quarti æquale portioni $c \nu \downarrow i$ primi cunei noti $c b \nu$: ergo B unâ cum cuneo $\nu \downarrow m$ æquat quadrantem cylindracei $c q i p$ in hyperbolâ; in ellipsi verò eundem quadrantem excedit eodem $\downarrow \nu m$: ergo libra si ritè suspendi ponatur ex n secundo suspensionis puncto, æquiponderans ipsi $c q i p$ est aggregatum ex A B & ex cuneo $\downarrow \nu m$ in hyperbolâ, in ellipsi verò est idem aggregatum ex A B deducto $\downarrow \nu m$: ergo si inde deducatur D æquipōderans noti secundi cunei $c p i$, relinquetur æquiponderans cunei medij $c i q$, videlicet aggregatum ex E & cuneo $\downarrow \nu m$ in hyperbolâ, in ellipsi verò ipsum E imminutum cuneo $\downarrow \nu m$: cum ergo cuneus $c i q$ sit ad cuneum $\downarrow \nu m$ ut recta $a b$ ad $n s$ (istud enim eodem pacto ostenditur quo in priore casu ostensum est cuneum $\lambda i z$ esse ad cuneum $h \downarrow g$, ut est recta $a b$ ad $n s$) æquiponderans librâ suspensâ ex s cuneo medio $c i q$ erit E, quod pro casu secundo demonstrandum erat.

Tertio in hyperbolâ punctum i cadat inter b & c conditâque plana sint ad partes anguli externi (nam ad interni partes non pertinet hyperbola $c \pi$) $q c e, \lambda z \pi$: in ellipsi verò punctum c iaceat inter i & b, conditâque plana sint ad partes interni, cum ad externi partes non pertingat ellipsis.

Tertius casus.



Sumatur recta $i \downarrow$ quarta pars rectæ $i p$ vel $q c$, & inueniatur A æquiponderans cylindræ $q c \lambda \mu$ librâ ex b suspensâ; item B cylindræ $c v e z$ ex eodem b ; & D noto cuneo secundo $\mu c z$ ex secundo puncto n . Dico conflatum ex tribus $A B D$ librâ suspensâ de tertio suspensionis puncto s æquiponderare portioni $\lambda q c z$ cunei medij $q i c$.

Quoniam vt $a b, b n$, ita $i p, i \downarrow$, & vt $b n, s n$, ita $i \downarrow, \downarrow x$ (vt enim $b i, c i$, ita $b n, s n$ ex demonstratis superius; vt autem $b i, c i$ vel $x v$, ita $i \downarrow, x \downarrow$ eò quod triângula $b i \downarrow, v x \downarrow$ sint similia) ergo ex æquo vt $a b, s n$, ita, $i p, x \downarrow$, vel istis æquales $q c, m v$. Rursus quo-

niam triangula $\lambda i z$, $h \perp g$ habent latera $b z, \perp g$ similiter secta in c, v , & per c, v ductæ sunt $c \mu, v e$ æquidistantes lateribus $i \lambda, \perp h$; ut $c i$ ad $c z$, ita erit $\mu \lambda$ ad $z \mu$. & eh vel $\perp x$ ad $g e$: ergo alternando ut $\mu \lambda$ vel $q c$ recta ad eh vel $m v$, ita $z u$ ad $g e$: ergo ut $q c$ recta ad $m v$, ita est cylindraceum $q e \lambda \mu$ ad $\mu v h e$, & cuneus $c \mu z$ ad cuneum $v e g$: & composita ex antecedentibus magnitudo $\lambda q c z$ ad compositam ex consequentibus $m v g h$: sed ut $q c$ recta ad $m v$, ita modo ostendimus esse $a b$ ad $s n$; ergo ut $a b$ ad $s n$, ita $\lambda q c z$ portio cylindracei ad $m v g h$.

Cum ergo sicut in priori casu diximus æquiponderans ex b cylindraceo $c v e z$ sit $c v g z$, erit B ipsi $c v g z$ æquale: ergo conflatum ex A, B, D , continet æquiponderans partium $q c \lambda \mu$, $c z \mu$ librâ ex n suspensâ, & insuper in hyperbolâ portionem $m v g h$; in ellipsi verò conflatum idem ex A, B, D continet æquiponderans partium $q c \lambda m$, $c z \mu$ imminutâ eadē portione $m v g h$: ergo cōflatū ex tribus A, B, D æquat æquiponderans librâ appēsâ ex s portioni $\lambda q c z$ cunei medij, per decimâ secundi libri, quod demonstrandum erat ad tertium casum.

COROLLARIUM.

Quoniam $b n$ est quadrans semidiametri $b c$, rectangulum $c b n$ erit æquale quartæ

parti quadrati bc , hoc est quadrato quod potest semissis rectæ bc , siue quadrans diametri ac ; & quoniam rectangulo cbn æquale est rectangulum ibs (habent enim ex constructione latera proportionalia) erit ipsum ibs æquale quadrato quod potest quadrans diametri ac , hoc est, tres rectæ ib , quadrans diametri ac , & bs sunt proportionales.

SCHOLIUM.

In istis omnibus casibus quamvis unum ex condictis planis assumptis non sit pir , semper tamen in rectâ ip sumi debet i & quarta ipsius pars, atque ut bi ad bc , ita fieri i & ad ix , debentque iungi rectæ b & v : demonstratio enim hoc posito recurrit eadem.

Porro æquiponderans cylindræorum qca , m , c v e z esse idem cum æquiponderante cylindræorum iisdem condictis planis interceptorum, & habentium pro basibus portiones ellipsis vel hyperbolæ iisdem planis interceptas, eandemque altitudinem, apertum est ex undecimâ prioris libri: Ita enim sunt constituta ut quocunque condicto plano secantur, eorum sectiones sint inuicem æquales, quod satis est ad hoc, ut ex undecimâ citatâ, vel ex sextâ primi solidis accommodatâ eiusmodi plana sint æqualia, & habeant in eodem condicto plano centrum gravitatis.

Quod si roges cur nullus casus. ponat plana
con-

condicta ultra b ad partes a , responsio constabit ex sequentis corollario primo, inde enim patebit id non fuisse necessarium cum ex iam demonstratis facilius pro illo casu obtineatur æquiponderans.

Calculus huius propositionis abundè sufficienti tibi quæ ipsi proximam subsequuntur.

PROPOSITIO XIII.

Sit plana figura $a l c m$ habens grauitatis centrum in rectâ $a c$, cuius occurso $l m$ & omnes ipsi æquidistantes bipartitò sectentur. Sit ad planum $a c$ perpendicularis $n d$, & per ambitum figuræ $a l c m$ linea parallela rectæ $d n$ incedens descripserit superficiem cylindraccam: per n & f quæcunque duo puncta rectæ $a c$ etiam productæ, ductæ sint $n q$, $f g$ condictæ, idest æquidistantes ipsi $l m$, & ductis per eadem n & f , $n d$, $f e$ perpendicularibus ad $a c$ æqualibus, intelligatur cylindraccum

secari planis trāsuersis e n q, d f g;
 & abscindi cuneos n f d, f n c, qui
 vocentur *coniugati*, etiam cum
 perpendiculares n d, f e, fuerint
 inæquales. His ita positis.

Ostendendum est si planum
 a l m intelligatur horizonti æqui-
 distans, & recta a c libra sustentās
 cuneum n f d ponatur suspendi ex
 n brachio quocunque n r; æqui-
 ponderans ex r cunei n f d portio-
 ni quibuscunque duobus planis
 condictis, id est parallelis plano
 d q n, interceptæ esse æquale spa-
 tio quod librâ suspensa ex f, bra-
 chio f s æquante ipsum n r, æqui-
 ponderat ex s portioni cunei f n e
 inter eadem condicta plana posi-
 tæ.

Intelligatur linea n k f ita descripta in
 plano d n f, vt quæcunque u z æquidistās
 rectæ n d ducatur, occurrens diametro a c
 (ita enim vocetur) in u siue inter n & f,
 siue extra posito; rectis d f, n e in y, z; &
 lineæ n k f in k; sicut autem r n ad n u, ita

quoque æqualia; ergo cum latera $n r$, $f s$ sint æqualia, bases $u k$, $u \lambda$ erunt inuicem æquales; ergo eadem linea $n k$ f etiam ultra puncta n & f producta describetur, si ut $f s$ ad $f u$ quamcunque portionem recte $f n$ etiam productæ, ita ponatur $u z$ intercepta lineis $f n$, $n e$ in infinitum eductis, & parallelâ rectæ $n d$, ad $u \lambda$ interceptam rectâ $f n$ & parabolâ $f \lambda n$.

Quoniam ergo cunei sectiones factæ occurſu plani conducti sunt parallelogramma, ut in vigesimâ primâ quarti ostensum est, quorum bases sunt ordinatim applicatæ ad diametrum $a c$; sectiones factæ occurſu conducti $z u t$ erunt parallelogramma; similiterque si per parabolæ $n k$ s perimeter intelligatur moueri linea recta æquidistans cōductæ $l m$, solidi comprehensi basi $l c m$, & cylindræâ superficie binâ motu æquidistantium rectis $b o$, $l m$ descriptâ (eiusmodi solidum vocetur *dicylindræum*, & si $l c m$ fuerit ellipsis vel hyperbola *dicylindræum notum*) sectio conducti plani cum dicylindræo erit parallelogrammum, cuius basis sit eadem conductâ, & altitudo sit linea secundum quam conductum planum secat segmentum $n k f$,

2. sexti
Euc.

parabolæ. Quoniam ergo istæ omnes sectiones sunt parallelogramma rectangula super eadem basi constructa, erunt inter se ut altitudines: quoniam verò ut brachiū $r n$ ad $n u$, ita est recta $n y$ ad $u k$, & ut $n y$

ad $u k$, ita est rectangulum sub $u y$, & $t x$ ad rectangulum sub $u k$, & $t x$: ergo vtr^u nad $n u$ ita sectio cunei $n f d$ ad sectionem dicylindraceuti; quod cum in omnibus sectionibus occurfu conductorum planorum genitis eueniat, totum dicylindraceutum æquiponderabit cuneo $n f d$, & pars parti, prout intra eadem conducta plana sibi respondent, ex septimâ secundi ad solida translata, sicut in vigesimâ quartâ prioris libri exposuimus. Eodem planè modo ostendetur idem dicylindraceutum æquiponderare cuneo $f n e$, librâ $ex f$ suspensâ, aliisque iuxta propositionis præscriptum positis; ergo id demonstratum est, quod fuit propositum.

COROLLARIUM I.

Ex modò demonstratis liquidum fit quod in scholio præcedentis in hunc locum distulimus; si enim $l c m$ sit ellipsis vel hyperbola ex centro b descripta, & $n b$ sit quadrans semidiametri, & $c \lambda$ sit acies secundi cunei noti, quæratûrque æquiponderans $ex r$, librâ $ex n$ suspensâ, portioni cunei secundi noti conclusæ conductis secantibus semidiametrum $a b$; punctum suspensionis debet (paritate brachij seruata) poni in c , & $n q$ intelligi acies cunei $c n p$, & ita ex præcedenti inuenietur portio dicylindraceuti æquiponderans portioni cunei $c n p$

condictis memoratis interceptæ : istud namque æquiponderans æquale est ex præfenti demonstratione æquiponderanti quæfiro. Isthæc methodus in aliis similibus casibus obseruanda pariter erit.

COROLLARIUM. II.

Si vt c n ad c p, ita fiat c a ad a B rectam per a ductam parallelam rectæ n d, librâ ex c suspensâ, brachio æquante semidiametrum, perpendicularo c p, æquiponderans cunei c n p portioni interceptæ planis condictis μ b l p c λ , est æquale parallelepipedo cuius altitudo a B & basis æquet quadrantem quadrati ex semidiametro b c geniti. Istud apertum est ex præfenti; si enim connectatur recta c B, & intelligatur plano condicto B c λ secari cylindri superficies, abscindetur cuneus secundus notus n c B, eruntque ex præfenti cunei n c B, c n p coniugati; ergo spatium quod æquiponderat cuneo n c B, librâ ex n suspensâ, brachio æquante semidiametrum a b, æquiponderat quoque cuneo c n p librâ ex c suspensâ, positâ paritate brachij, vt in præfenti demonstratum est: atqui ex primò epilogismo corollarii propositionis vndecimæ spatium æquiponderans cuneo noto secundo est illud quod iam assignauimus cuneo c n p; ergo rectè fuit assignatum.

Quòd si , iisdem positis l & m sit segmentum hyperbolæ notum , ac proinde condicta l m sit vltra punctum c ad partes f ; librâ ex c suspensâ , brachio æquante semidiametrum , perpendiculo c p æquiponderans cunei c n p portioni interceptæ planis condictis p c λ & μ ξ l m , ostendetur eodẽ omnino pacto esse æquale parallelepipedo cuius altitudo a B , basis sit dupla quadrati quod potest diameter a c : hoc enim ita computatum fuit in epilogismo tertio corollarij memorati.

COROLLARIUM III.

Ex iisdem occurrit *quadratura* dicylindraceorum notorum numero infinitorum; per præcedentem enim obtinetur æquiponderans innumeris cuneis quorum bases sint portiones ellipseos vel hyperbolæ; ex istâ autem constat eiusmodi æquiponderans esse æquale dicylindræo quod inter eadem condicta plana respondet portioni cunei librata. Cæterum istorum dicylindraceorum tetragonismus est quasi aurora aduentantis quadraturæ circuli: nam cuneo secundo noto , cuius acies sit c λ & basis a c m integer semicirculus aut ellipsis, æquiponderât librâ ex a suspensâ , brachio æquante diametrum a c , tres decimæ sextæ

584 *Tetragonismicorum*

cylindri eadem qua ipse cuneus altitudine præditi: ergo dicylindraceum isti cuneo ita respondens, est tres decimæ sextæ cylindri: ergo quadratura istius dicylindræci docet quadraturam circuli: habet ergo dicylindræcorum quadratura cum tetragonismo circuli & etiam hyperbolæ connexionem tantam, vt quamuis hîc finem inveniendi faceremus, multùm tamen Deo deberemus, quòd ex tam densis tenebris in admirabile istud lumen nos vocarit.

COROLLARIUM. IV.

Ex præsentî schemate colligitur etiam cuneos coniugatos $e n f, d f n$ inter conditiona plana $\xi b l, d c \lambda$ inclusos si ex quocunque puncto n diametri $a c$ seorsum (positâ brachij paritate) suspendantur perpendicularo $n d$, differentiâ æquiponderantium coniugatis esse eandem cum differentiâ æquipõderantium portionibus $p h \phi, \mu h \theta$, quas voco cuneos primos *laterales*, & ad eorum mutuam respectum significandum, *primos collateralibus*. Quoniam enim solidum $b \theta h \phi c$ habent commune, differentia æquiponderantium ipsis non proveniet ex æquiponderante solidi $b \theta h \phi c$ (est enim idem ex eodem, iisdemque positis) ergo differentia, si quæ sit, erit æquipõderantium residuis collateralibus $p h \phi, \mu h \theta$.

Quòd si ex rectis $b\mu$, $c\rho$ abscindantur
 $b\xi$, $c\psi$ æquales rectis $\theta\mu$, $\phi\rho$, & ducto per
 h condiceto $h\pi\beta$ secante diametrum $a c$ in
 π , iungantur rectæ $\xi\pi$, $\psi\pi$, & intelligantur
plana transuersa $\xi\pi\beta$, $\psi\pi\beta$ auferentia
cuneos $\psi b\pi$, $\psi\pi\beta$; cunei isti ablati
ita se habebunt ad collaterales, singuli ad
singulos, vel totos, vel secundum partes in-
tra eadem condiceta plana clausas sumptos,
vt ipsis sint æquales, & habeant æqualia æ-
quiponderantia iisdem positis. Istud etiam
manifestum est ex præcedente: esse enim
æquales eodem planè modò ostenditur,
quo id demonstrauius in primo casu, ex
eo quòd condiceta plana faciant in eis se-
ctiones æquales: habere autem idem æqui-
ponderans non aliter probatur, quam pro-
batum fuit in scholiò. Cuneos $p h \phi$, $\mu h \theta$
vocabo *laterales* & *collaterales secundos*,
quorum hæc est insignis proprietates vt acie
habeant in eadem condiceta $\pi\beta$, & vnus
 $\psi\pi c$ sit ad angulum externum, alter $\xi\pi b$
sit ad internū, posita $a c$ diametro ellipseos
vel hyperbolæ sicut in præcedentis dia-
grammate; vnde vltèr us ex iam citatâ
propositione efficitur istud notandum, si vt
 $b\pi$ ad quadrantem diametri $a c$, ita fiat
ipse quadrans ad $b\delta$, librâ ex δ suspensâ
tertio videlicet suspensionis puncto, in-
ueniri spatium quod singulis eollateralibus
æquiponderat, istorumque æquiponderan-
tium differentiam esse æqualem differen-
tiæ spatiorum quæ portionibus memoratis

coniugatorum cuneorum seorsum, æquipo-
ponderant, librâ ex δ suspensâ, cæterisque
iisdem sumptis.

C O R O L L A R I U M V.

Hoc quoque adnotare interest ad se-
quentia, si sit quicumque cuneus $f n e$, & li-
bra $b c$ suspendatur ex n in quo cunei acies
 $q n$ secat diametrum, brachiumque libræ
 $n \delta$ quodcunque ponatur & æquet rectam
 $n \pi$, & per π agatur πh perpendicularo $n d$
æquidistans, occurrens rectæ $n e$ in h , atque
per h intelligatur duci planum æquidistans
basi $q c m$; cylindracei inter istas duas ba-
ses contenti parti spatium ex δ æquipo-
nderans esse æquale cunei $f n e$ portioni iis-
dem condictis planis cum cylindracei par-
te comprehensæ; idque apertum esse ex vi-
gesimâ sextâ libri quarti. Insuper cum, iis-
dem positis, æquiponderans ex δ parti cy-
lindracei sit ex vigesimâ quintâ prioris li-
bri æquale parallelepipedo cuius altitudo
 πh eadem quæ cylindracei, & basis æquet
spatium quod iisdem positis æquiponde-
rat basi partis cylindri; esse æqualitatem
inter cunei, & parallelepipedi partes me-
moratas: ac proinde si cunei pars memora-
ta conuertatur in parallelepipedum altitudo-
dinis πh , basim eiusmodi parallelepipedi
esse æqualem spatio quod basi æquipo-
derat dictâ iam ratione.

PROPOSITIO XIV.

Posito ante oculos diagrammate propositionis duodecimæ, quod inseruit tertio ellipseos casui; sit $b i$ partium quinque cuiusmodi semidiameter $b c$ quatuor; sit item $a c$ diameter circuli, & condita plana $u b l$, $q c$ ex eo auferant trientem circuli. Ostendendum est primò portioni $z \wedge q c$ cunei medij $n i o$, æquiponderans librâ ex s suspensâ, brachio æquante semidiametrum, esse æquale parallelepipedo cuius altitudo $a d$, basis sit rectangulum sub semilatero trianguli æquilateri circulo $l c$ inscripti, & sub viginti septem partibus, cuiusmodi diameter $a c$ continet centum sexaginta: rectam autem $b s$ continere quatuor partes, quales in se-

Rursus quoniam punctum z in isto casu diuidit bifaram semidiametrum bc ; spatium A æquiponderans cylindræ $q c \lambda \mu$ librâ ex b suspensâ, brachio ba , erit parallelepipedum cuius altitudo $c q$, & basis re-ctangulum sub quartâ parte diametri $a c$ & sub semilateri trianguli æquicruris inscripti circulo $c r$, ex corollario tertio vigesima quintæ libri quarti.

Rursus quoniam vt bi recta ad bc , ita est $i \psi$ quadrans rectæ $c q$ ad ix ; bi autem ad bc est vt quinarium ad quaternarium, erit ix quatuor, cuiusmodi $i \psi$ quinque, & cuiusmodi $c q$ ipsius $i \psi$ quadrupla viginti; ergo reductione ad minimos numeros facta erit ix vel $c \nu$ ad $c q$ vt unitas ad quaternarium: ergo B spatium cylindræ $c \nu e z$ æquiponderas librâ suspensâ ex b , brachio ba , est ex vigesima quinta laudatâ parallelepipedum cuius basis eadem quæ parallelepipedo equantis spatium A iam putati, & altitudo $c \nu$ quinta pars ipsius $c q$: ergo parallelepipedum cuius basis sit iam memorata, altitudo sex quintæ partes altitudinis $c q$, æquale est duobus simul A & B .

Præterea quoniam in triangulo $a i \beta$ lateri $i \beta$ æquidistat cd ; vt $a c$ ad ci , ita erit ad ad $d \beta$ siue ad $c q$: sed $a c$ ad ci est vt octo ad vnum: ergo ad recta ad $c q$ est vt octo ad vnum; vel vt quadraginta ad quinque, & ad conflatum ex $c q$, $c \nu$ vt quadra-

35. sept.
ti Euc.

ginta ad sex: ergo parallelepipedum cuius basis antè memorata, & altitudo sex quadragesimæ partes rectæ a d æquale est duobus simul spatiis A & B. Rursus quia vt 40. ad 6. ita est quadrans siue quadraginta centesimæ-sexagesimæ ad sex centesimas-sexagesimas: parallelepipedum, cuius altitudo sit recta d a, & basis diametri a c sex centesimæ-sexagesimæ, æquale est parallelepipedo cuius basis sit rectangulum sub quadrante diametri a c & semilateri trianguli æquilateri circulo c l inscripti altitudo verò sit sex quadragesimæ partes altitudinis a d; cùm bases & altitudines reciprocentur.

Quoniam igitur duo simul spatia A & B æquant parallelepipedum cuius altitudo sit d a, & basis rectangulum sub semilateri trianguli inscripti superius memorati & sub sex centesimis-sexagesimis diametri a c comprehensum; spatium autem D æquale est ex scholio vndecimæ parallelepipedum eiusdem altitudinis d a, & baseos æquantis rectangulum sub semilateri memorato & sub tribus sexagesimis quartis diametri a c; magnitudo ex tribus A, B, D conflata erit parallelepipedum altitudinis a d, & baseos æquantis rectangulum sub semilateri memorato & sub viginti septem partibus, cuiusmodi in diametro sunt centum sexaginta inuicem æquales. Cùm igitur ex citatâ duodecimâ in isto casu magnitudo ex tri-

bus A, B, D composita æquet spatiū quod cunei medii n i o portioni z λ q c æquiponderat; istud esse demonstrauius, quod propositum fuerat primo loco.

Secundò iisdem manentibus punctum z congruat centro b. Ostendendum est portioni z λ q c (quæ in hoc casu eadem est quæ b u q c) cunei medij n i o æquiponderans librâ ex s suspensâ, brachio æquâte semidiametrum, perpendiculo s t, esse æquale parallelepipedo cuius altitudo d a & basis sit quadrati b c septem vigesimæ partes.

Spatium A æquiponderans cylindræo q c λ μ librâ ex b suspensâ, brachio b a est ex vigesimâ quintâ libri quarti parallelepipedum altitudinis c q, & baseos æquantis duos trientes quadrati b c. Similiter B spatium cylindræo c v e z æquiponderans est parallelepipedum eiusdem baseos & altitudo c v quinta pars ipsius c q: ergo parallelepipedum cuius basis sit iam memorati duo trientes, & altitudo sex quintæ partes altitudinis c q æquale est duobus si-


mul A & B : ergo vt in præcedenti casu parallelepipedum cuius basis sit duo iam dicti trientes & altitudo sex quadragesimæ partes rectæ a d, æquale est duobus simul A & B. Præterea quia vt 40. ad 6. ita est bes siue 40. sexagesimæ ad 6. sexagesimas, parallelepipedum, cuius altitudo sit d a, & basis quadrati b c sex sexagesimæ siue vna decima, æquale est parallelepipedo cuius basis sit duo trientes quadrati bc, & altitudo sex quadragesimæ partes rectæ a d, cum bases & altitudines reciprocentur.

Quoniam igitur duo simul spatia A & B æquant parallelepipedum cuius altitudo a d, basis sex sexagesimæ quadrati b c: spatium autem D ex calculo primo primi corollarii vndecimæ est quadrans quadrati b c, hoc est quindecim sexagesimæ: spatium ex tribus A, B, D compositum erit illud quod quærimus, videlicet parallelepipedum cuius altitudo a d, & basis viginti & vna sexagesimæ, siue septem vigesimæ quadrati b c; quod secundo erat ostendendum.

PROPOSITIO XV.

Duodecimæ propositionis schema, quod inseruit primo & secundo ellipseos casui, reuoce-

tur; in eoque $b i$, $i c$ sint æquales; sit item $a c$ diameter circuli. Propositum sit primò, quando punctum z primi casûs congruit puncto b , definire epilogismo lineam $b s$, & æquiponderans portioni $b u$ i cunei medijn $i o$, librâ ex s suspensâ, brachio æquante semidiametrum.



Quoniam ut $b i$ ad $b c$, ita est $b n$ ad $b s$ cum $b i$ sit semissis rectæ $b c$, erit $b n$ semissis rectæ $b s$: sed $b n$ est quadrans semidiametri $b c$; ergo $b s$ est duo quadrantes, vel dimidium rectæ $b c$; ergo $b s, b i, i c$ sunt æquales.

Rursus quoniam punctum z in isto casu congruit centro b , & conditum $z n$, conditio $u b l$, spatium A æquiponderans cylindræo $i p \mu \lambda$, libra $ex b$ suspensa, perpendicularo $b u$ & brachio $b a$, erit ex vigesima quinta libri anterioris parallelepipedum cuius altitudo $i p$ eadem quæ cylindræi $i p \mu \lambda$, & basis æquet spatium quod $ex a$ æquiponderat.

Præterea quoniam libra $ex b$ suspensa, perpendicularo $b u$, brachio $b a$, æquiponderans semicirculo inter condita $u b l$, $v c \phi$ interposito æquiponderat ex decima octava tertij rectangulum sub semidiametro $b c$ & sub duobus trientibus ipsius $b c$, vel vno triente diametri $a c$; si iste triens mutetur in quadrantem, semidiameter mutabitur in duos trientes eiusdem diametri, ut ex reciproca gignatur æqualitas; ergo iisdem manentibus rectangulum sub quadrante diametri $a c$, & sub duobus trientibus ipsius æquiponderat semicirculo iam dicto: sed iisdem positis segmento inter condita $p i r$, $v c \phi$ æquiponderat, ex decimâ nonâ eiusdem tertij libri, rectangulum sub $i c$ quadrante diametri $a c$ & sub $i r$ semilatero trianguli æquicruris inscripti: ergo rectan-

gulum sub eodem quadrante, & sub excessu quo duo trientes diametri a c superant semissem dicti lateris æquiponderat portioni circuli interceptæ conductis u b l, p i r (eiusmodi excessus vocetur *apotome nota*: est enim apotome quam definit Euclides) 74 decimi Euc.
 ergo ex corollario tertiæ spatium A cylindraceo ip $\mu\lambda$ æquiponderans librâ ex b suspensâ, perpendicularo b u, brachioque ba, est parallelepipedum cuius altitudo p i vel c q, basis sit rectangulum contentum sub semisse dicti lateris & sub apotome notâ.

Rursus quoniam ut b i recta ad b c, ita est i \downarrow quadrans rectæ c q ad i x: bi autem est semissis rectæ b c, erit i \downarrow semissis rectæ i x; & ip quadrupla rectæ i \downarrow erit dupla rectæ i x: est ergo B parallelepipedum cuius basis sit rectangulum sub semilaterere dicto & sub notâ apotome contentum, altitudo sit semissis rectæ i p. Præterea quoniam in triangulo a c d lateri c d æquidistat i β ; ut a c ad c i; ita erit a d ad d β siue ad i p: sed a c ad c i, est ut quaternarius ad vnitatem; ergo a d ad i p est ut quaternarius ad vnitatem; ergo a d ad i x dimidium rectæ i p est ut octonarius ad vnitatem: ergo recta a d est ad compositam ex i x, i p, ut octonarius ad ternarium; ergo duo spatia A & B cum habeant eandem basim, ideoque æquent parallelepipedum eiusdem baseos, & altitudinis compositæ ex altitudinibus i p, i x, æqualia sunt parallelepipedo cuius

basis sit rectangulum sub semilaterere dicto & sub notâ apotome comprehensum, altitudo sit tres octavarum partes rectæ a d; cui parallelepipedo propter basium & laterum reciprocationem æquale est aliud cuius altitudo sit a d, & basis rectangulum sub notâ apotome & sub tribus decimis sextis lateris trianguli æquilateri circulo inscripti vel sub semilaterere eodem & sub apotomes notæ tribus octavis.

Rursus quoniam cunei noti secundi a c d portioni interceptæ conductis q c φ , $\mu z \pi$ quod in isto casu congruit conducto u b l, æquiponderans librâ ex n suspensâ, brachio æquante semidiametrum est ex vndecimæ corollarii primi epilogismo primo parallelepipedum cuius altitudo d a, basis sit quadrans quadrati b c, hoc est rectangulum sub diametri a c, tribus sexagesimis quartis & sub quatuor trientibus eiusdem diametri, ista enim æqualitas ex laterum reciprocatione sequitur: ex scholio verò eiusdem æquiponderans portioni iacenti inter conductâ p i r, q c φ est æquale parallelepipedo cuius altitudo a d & basis rectangulum sub semilaterere dicto & sub tribus sexagesimis quartis diametri a c comprehensum; differentia istorum æquiponderantium eadem altitudine d a præditorum videlicet parallelepipedum altitudinis d a & baseos æquantis rectangulum sub diametri tribus sexagesimis quartis & sub

15. sexti;
Euc.

excessu quo quatuor diametri a c trientes
superant semilatus trianguli æquilateri in-
scripti erit spatium D æquiponderans por-
tioni μ p i z cunei secundi a c d noti. Di-
ctus porro excessus compositus est ex duo-
bus trientibus diametri a c, & ex apotome
notâ, vt apertum est.

Quoniam ergo ex præscripto duodeci-
mæ pro primo casu vt habeatur æquipon-
derans cunei medii, de spatio D deduci de-
bent duo simul A & B; cum D sit vt osten-
dimus parallelepipedum cuius altitudo
a d, & basis rectangulum sub tribus sexage-
simis quartis diametri a c, subque compo-
sitâ ex duobus diametri trientibus & ex
apotome notâ comprehensum: ergo exces-
sus quo istud rectangulum superat rectan-
gulum sub apotome notâ & sub tribus de-
cimis sextis lateris trianguli memorati, est
basis parallelepipedum eadem altitudine a d
præditi, quod æquiponderet cuneo medio
b i u, librâ ex s suspensâ, brachio æquante
semidiametrum a b, & perpendicularo s t: er-
go definiuimus id quod definiendum fuit
primo loco.

Propositum secundò sit quan-
do, vt in secundo casu laudatæ
propositionis duodecimæ, sus-
penditur portio q i c cunei me-
dij t i s intercepta conductis p i r,


q c o determinare calculo æquiperans dictæ portioni q i c, librâ ex s suspensâ, reliquisque manentibus, quæ in præcedenti casu posita sunt.

Spatium A æquiperans cylindræo q c p i, librâ ex b suspensæ, perpendicularo b u, brachio b a, est parallelepipedum cuius altitudo i p, basis sit rectangulum contentum sub semisse lateris trianguli æquilateri circulo c l inscripti, & sub diametri a c quadrante, ex vigesimâ æquint libri quarti corollario tertio.

Rursus quoniam vt in superiore casu ostensum est i x est dimidium rectæ i p: ergo B spatium cylindræo c v x i æquiperans, librâ ex b suspensâ, brachio b a, est ex vigesimâ quintâ laudatæ, parallelepipedum cuius basis sit rectangulum iam memoratum, & altitudo dimidium altitudinis i p: ergo parallelepipedum cuius basis sit rectangulum iam memoratum, & altitudo tres semisses altitudinis i p, æquale est duobus simul A & B. Quoniam verò in præcedenti casu ostendimus, rectam a d esse ad compositam ex i p, i x vel ad tres semisses ipsius i p, vt est octonarius ad ternarium: ergo parallelepipedum cuius basis sit rectangulum iam memoratum, altitudo res octauæ partes rectæ a d, æquale est duo-


bus spatij A, B: isti verò parallelepipedo propter reciprocaionem basium & altitudinum æquale est aliud cuius altitudo a d, basis sit rectangulum sub quadrante diametri & sub tribus decimis sextis lateris inscripti iam sæpe memorati: vel sub tribus tricesimis secundis diametri a c & sub semilatero dicto.

Quoniam igitur ex præscripto duodecimæ pro secundo casu, vt obtineatur æquiponderans cunei mediij, de aggregato ex spatij A, B subduci debet spatium D, cum aggregatum illud sit parallelepipedum cuius altitudo a d, basis sit rectangulum sub dicto semilatero & sub tribus decimis sextis vel duodecim sexagesimis quartis diametri a c; spatium verò D sit parallelepipedum eiusdem altitudinis, cuius basis sit rectangulum sub dicto semilatero & sub tribus sexagesimis quartis eiusdem diametri a c; peractâ subductione residuum fiet parallelepipedum altitudinis a d, & baseos æquatis rectangulum sub dicto semilatero & sub nouem partibus, cuiusmodi diametrum metiuntur sexaginta quatuor; quod secundo erat faciendum.



PROPOSITIO XVI.

Inuenire & calculo colligere æqualitem inter duo quædam spatia solida multùm inseruientem ad quadrandum circulum.



Sit ut in decimâ tertiâ semicirculus lcm
 basis cylindracei descripti motu parallelæ
 ad rectam n q: ipsa autem n q sit ad diame-
 trum a c perpendicularis; sit item b centrū
 circuli, & b u, b e sint singillatim dimidium
 semidiametri; b n verò & c o quadrans; x b
 autem quinta eiusdem semidiametri pars.
 Per a, e, x, b, u, c, o, ductæ sint ad n q paral-
 lelæ a d, e p, x r, b h, u f, c s, o i. In rectâ u f
 sumptum sit quoduis punctum f, & per il-
 lud ductæ ex punctis n & o rectæ n f, o f
 occurrētes rectis b h, c s, o i, n q, a d in y, h,
 t, s, i, q, d. Rectis y h, t s abscissæ sint æquales
 b x, c z, & iunctæ sint u k, u z rectæ.

Erunt igitur ex definitionibus in deci-
 mâ tertiâ traditis cunei n o q, o n i, coniu-
 gati; collaterales primi erunt y f h, t f s:
 collaterales secūdi b u k, c u z: solidi byfc
 pars byfu vocetur interior, & c u f t exte-
 rior, ipsūq; byfc dicatur fastigiātū. Simili-
 ter cōiugatorū cuneorū interior dicatur oni,
 exterior n o q: & collateralium interior y f h,
 exterior t f s. Apertū est cunei cōiugati in-
 terni c n s portionem b y s c interceptam
 conductis h b l, s c a esse æqualem fastigia-
 ti solidi portioni internæ b y f u, externæ
 c t f u, & collateralium externo t f s: simili-
 ter cunei coniugati externi n o q portionē
 c t h b esse æqualem fastigiati solidi por-
 tioni internæ b y f u, externæ c t f u, & col-
 lateralium interno y f h.

Rursus quoniam ut b u ad b c, ita est b n
 ad b e: si libra intelligatur suspendi ex e

perpendicularo e p, brachio æquante semidiametrum, obtinebitur æquiponderans primis collateralibus y f h, t f s, vel secundis b u k, c u f ex corollario tertio decimæ tertie; calculus verò vtriusque habetur in proxime antecedenti propositione; vocetur S.

A. Rursus quoniam b x est quinta pars semidiametri b c, si libra ex x suspendatur habebitur per duodecimam æquiponderans cunei medij x o r portioni b c t h (hoc est tribus b u f y, c u f t, y f h) & eius calculus est in decimæ quartæ parte alterâ; vocetur A. Præterea cum b x sit quatuor & b e decem, cuiusmodi b c viginti, erit b c ad x e vt viginti ad sex, vel decem ad tria: ergo si perpendicularum x r mutetur in e p, & libræ suspensio transferatur ex puncto x in e, reliquis nihil mutatis, æquiponderans portioni b c t h (hoc est tribus b u f y, c u f t, y f h) erit illud ipsum quod in primâ suspensione auctum tribus decimis partibus portionis b c t h, ex decimâ secundi libri.

Rursus quoniam si per c intelligatur duci recta c ξ parallela rectæ o f, ideoque constituens angulum ξ c n æqualem angulo c n s, cunei c n s, n c ξ sunt coniugati; ergo per decimam quartam quod æquiponderat cuneo b c ξ librâ ex n suspensâ, æquiponderabit quoque cuneo b y f c librâ ex c suspensâ: ergo cum illud æquipon-

derans supputatum fit initio corollarii primi vndecimæ, constat quoque calculus istius vocetur B. Præterea cum c e sit tri-
 ginta cuiusmodi b c viginti, si perpendicu-
 lum c s mutetur in e p, & suspensio prima
 ex c in secundam ex e, brachiūque ad
 partes a conuertatur, ex nonâ libri secundi
 apertum fit æquiponderans secundæ sus-
 pensionis esse tres semisses portionis b y f c
 (hoc est trium b u f y, c u f t, t f s) immi-
 nutas æquiponderante B iam com-
 putato pro primâ suspensione.

Rursus quoniam librâ ex e suspensâ spa-
 tium æquiponderans duobus simul cuneis
 coniugatis b y f c, c t h b iam est compu-
 tatum, videlicet A æquiponderans, cuius
 calculus est in decimæ quartæ propositio-
 nis parte alterâ, auctum quidem sex vige-
 simis portionis b c t h; siue trium b u f y,
 c u f t, y f h; & triginta vigesimis portionis
 b y f c, vel trium b u f y, c u f t, t f s; immi-
 nutum verò B æquiponderante, cuius cal-
 culus extat initio corollarii primi vndeci-
 mæ: si ex isto æquiponderante deducatur
 spatium S æquiponderans cuneis laterali-
 bus y f h, t f s cuius epilogismus est in de-
 cimâ quintâ, relinquetur æquiponderans
 fastigiatae figuræ b y f c bis sumptæ, illudq;
 erit parallelepipedum, A cuius calculus
 est in decimæ quartæ huius parte alterâ,
 auctum quidem sex vigesimis triū b u f y,
 c u f t, y f h, & triginta vigesimis trium

604 *Tetragonismicorum*

$b u f y, c u f t, t f s$; imminutum verò parallelepipedo B , cuius calcul⁹ extat initio corollarii primi vndecimæ, & parallelepipedis duobus S quorum calculus est in decimâ quintâ. Istud æquiponderans ita collectum vocetur *primum fastigiati æquiponderans*.

Ad spatium æquiponderans secundum inuestigandum transeo. Quoniam $b x$ est quinta pars semidiametri, si libra suspendatur ex puncto x , perpendicularo $x r$, brachio æquante semidiametrum, cognitum erit æquiponderans C (ita enim appelletur) portioni $c t f u$ exteriori fastigiati solidi $b y f t c$, cum eius epilogismus extet in primâ parte decimæ quartæ propositionis: ergo, vt paulò superiùs dictum fuit, si perpendicularum $x r$ mutetur in $e p$, & libræ suspensio ex x transferatur in e , æquiponderans pro istâ secundâ suspensione erit illud ipsum quod in primâ, auctum tamen sex vigesimis portione externæ $c t f u$.

Rursus quoniam, sicut antea ostendimus, quod æquiponderat portioni $u \theta \xi b$ secundi $b c \xi$ cunei noti librâ ex n suspensâ, æquipōderat quoq; librâ ex c suspensâ, cunei illi coniugati $c n s$ portioni $b y f u$, quæ etiâ est portio interna solidi fastigiati $b y f t c$; cum illud putatum sit sub finem primæ partis in propositione decimâ quintâ, notû quoque & putatum erit æquiponderans portioni $b y f u$ internæ fastigiati $b y f t c$,

Elementorum Liber V. 605

librâ ex *c* suspensâ ; ergo si suspensio ex *c* transferatur in *e*, portioni internæ *by fu* fastigiati *b y f t c* æquiponderabunt triginta vigesimæ, vel tres semisses portioni interne *b y fu* imminutæ parallelepipedo *D*, ita enim vocetur id cuius epilogismus extat sub finem primæ partis demonstratæ in decimâ quintâ.

Quoniam ergo fastigiatum solidum *by f c* constat duabus *b y f u, c t fu* partibus ; æquiponderans toti fastigiato bis vt iacet sumpto æquiponderabit quoque portioni internæ *y b u f* bis vt iacet positæ, & portioni externæ *c t f u* bis item vt iacet sumptæ : sed iam putauimus æquiponderans utriusque portioni internæ & externæ : ergo librâ ex *e* suspensâ ; perpendiculo *e p*, brachio æquante semidiametrum, fastigiato *b y f t c* bis sumpto æquiponderat duplum parallelepipedo *C* putati in primâ parte decimæ quartæ, auctum duodecim vigesimis portioni externæ *c t f u*, & sexaginta vigesimis portioni internæ *b y f u*, imminutum verò duplo parallelepipedo *D*, cuius epilogismus habetur sub finem primæ partis demonstratæ in propositione decimâ quintâ. *Istud voco secundum fastigiati æquiponderans.*

Quoniam igitur equalia sunt primum & secundum fastigiati æquiponderans, si ad utrumque addantur *B, D, S*, & ab utroque subducantur internæ portioni *b u f y* tri-

ginta sex vigesimæ, & externæ c u f t portionis duodecim vigesimæ, conficietur vltima æqualitas quæ sita inter duas magnitudines quarum

Prima componitur ex parallelepipedis A, S; ex duplo parallelepipedo D; ex sex quintis (id est viginti quatuor vigesimis) externæ c u f t, ex tribus semissibus (id est triginta vigesimis) externi collateralis, t f s & ex sex vigesimis siue tribus decimis interni collateralis y f h.

Secunda componitur ex duplo parallelepipedo C, ex parallelepipedo B, & ex sex quintis internæ portionis b u f y: ergo inuenta est æqualitas proposita.

Quæ quantum conducat ad tetragonismum circuli non multò post patebit. Quod verò dixi ex nonâ libri secundi apertum esse ostendi potest in hunc modum, ne alieuius erroris hæc latebra putetur. Si librâ suspensâ ex c, perpendicularo c s, brachium semidiametro æquale mutetur in brachium æquale rectæ c e; equiponderans isti brachio respondens erit ad aliud equiponderans ut est recta b c ad e c, hoc est ut ternarius ad binarium, ex octauâ secundi: si ergo brachio æquante rectam c e, suspensio ex c transferatur in e, & brachium obtuertatur ad partes a, equiponderans, ex nonâ secundi, erit ipsa portio c b y s imminuta equiponderante quod brachium longius sibi vindicauit librâ ex c suspensâ: ergo si brachium mutetur in semidiametrum equiponderans isti brachio respondens

Retento eodem diagrammate, ex diametro $a c$ abscindatur $n \tau$ æqualis semidiametro $b'c$, & per τ agatur $\tau \beta$ æquidistans rectæ $n q$, & occurrens rectæ $n i$ in β . Intelligatur per β duci planum æquidistans plano $l c m$, cuius cum cylindræâ superficie communis sectio sit basis cylindræci opposita basi $l c m$. Si ergo libræ brachium ponatur æquale rectæ $n \tau$, & eius suspensio fiat ex n , perpendiculari $n o$, æquiponderans cylindræco altitudinis $\tau \beta$ & baseos inter conductâ $h b l$, $f u \mu$ interceptæ, hoc est baseos quæ portioni internæ $b u f y$ competit, erit per corollarium quintum decimæ tertiæ æquale portioni $b y f u$ cunei coniugati in o : & si eidem portioni internæ $b y f u$ fiat æquale parallelripipedum $G E$ cuius altitudo $F E$ æquet rectam $\tau \beta$, basis $G F$ erit ex eodem corollario æqualis spatio quod librâ ex n suspensâ, iisdem positis, æquiponderat basi portionis fastigiati internæ, quam basim per solâ $u b$ partem diametri illi competentē designo, ut minus crebræ incurrant lineæ, magisque perspicua euadat figura, quod in aliis etiam basibus designandis præstabo, quæ de re volui monitum Lectorem nostrum. Sex igitur quintæ parallelripipedi $G E$ retinentes eandem altitudinem $F E$ habebunt basim æqualem sex quintis partibus spatii, quod basi internæ $u b$ æquiponderat iisdem manentibus.

Similiter ex eadem diametro $a c$ auferri
intelli-

intellige $o d$ semidiametro æqualem, & per
 d agi $d \downarrow$ æquidistantem rectæ $n q$, & con-
 uenientem cum recta $o f$ in \downarrow . Quoniam
 trianguli $n f o$ basis $n o$ bisariam secatur à
 perpendiculari $f u$ ex angulo f ad ipsam de-
 missâ, erunt triângula $n u f$, $u o f$ æquilatera, &
 æquiangula; ergo anguli ad n & o sunt æ-
 quales; ergo rectæ $\pi \beta$, $d \downarrow$ sunt æquales;
 ergo planum per β parallelum basi $l c m$
 transit per \downarrow . Sicut igitur in cuneo interno,
 ita in externo $n o d$ ostenditur, librâ ex o
 suspensâ, perpendicularo $o i$, brachio æquan-
 tẽ semidiametrum, æquiponderans basi $u c$
 portionis fastigiati externę $c t f u$ esse equale
 parallelepipedo $L H$ basi $L I$: ipsum autẽ
 $L H$ pono esse æquale portioni externæ
 $c u f t$, & eius altitudinem $I H$ esse æqua-
 lem altitudini $d \downarrow$ vel $\pi \beta$. Sex igitur quintæ
 parallelepipedo $L H$ conseruantes eandem
 altitudinem $I H$ habebunt basim æqualem
 sex quintis partibus spatij quod basi exter-
 næ $u c$ æquiponderat librâ ex o suspensâ, &
 reliquis manentibus.

Præterea recta $u \kappa$ producta occurrat rectis
 $n q$, $e p$ in χ , p ; quoniam trianguli $u n \chi$
 basi $n \chi$ æquidistat $b k$, sicut $u n$ ad $b u$, ita
 est $n \chi$ ad $b k$: est ergo $n \chi$ ad $b \kappa$ vt ternar-
 rius ad binarium. Rursus quoniam trianguli
 $c n s$ lateri $c s$ æquidistant $b y$, $u f$, tres re-
 ctæ $c s$, $u f$, $b y$ erunt proportionales tribus
 $n c$, nu , $n b$; ergo tres rectæ $c s$, $u f$, $b y$
 sunt vt quinarius, ternarius vnitas: ergo $b y$

610 *Tetragonismicorum.*

est quinta pars rectæ c s vel b h ; ergo cum
 bh siue c s sit ad u f vt decem ad sex , y h
 siue b k erit ad u f vt octo ad sex : quia ve-
 rò b k est ad n χ vt binarius ad ternarium,
 siue vt octo ad duodecim, erit n χ ad u f vt
 duodecim ad sex ; est ergo n χ dupla rectæ
 u f : ergo cum triangula n u f, n π β sint in-
 uicem similia ; sintque item inuicem similia
 u n χ , u e p , & latera u e , n π sint æqualia,
 erit e p dupla rectæ π β : eadem verò de cau-
 sâ si per c agatur c ω æquidistans rectæ u p ,
 & occurrēs rectæ a d in ω , cui in d occurrat
 c ξ ; recta a ω erit dupla rectæ a d .

Quoniam ergo recta u n æquat semidia-
 metrum, si per p ducatur planum basi l c m
 parallelū, cylindræo cui⁹ basis sit b u alti-
 tudo p e, æquipōderat, librâ suspensâ ex u,
 perpēdiculo uf, brachio equate semidiametre-
 trū, spatiū æquale parti buk cunei n u χ ; & si
 illud spatium sit parallelepipedum M O
 cuius altitudo N O æquet rectam p e, basis
 G F, erit vt pater ex iam demonstratis,
 spatium quod librâ ex e suspensâ, reliquis
 iisdem positis æquiponderat basi b u, colla-
 teralis & interni cunei b u k : sex igitur vi-
 gesimæ cunei interni collateralis siue pa-
 rallelepipedi M O retinentes eandem alti-
 tudinem N O habebunt basim æqualem
 sex vigesimis partibus spatii, quod basi u b
 interni collateralis æquiponderat iisdem
 manentibus, librâ scilicet suspēsâ ex u, &c.
 Quòd si parallelepipedum cuius altitudo

NO vel $p e$, basis sit sex memoratæ vigesimæ mutetur in aliud æquale cuius altitudo sit $\pi \beta$ quæ est, vt ostendimus, dimidium altitudinis $p e$; basis mutabitur reciproca^{34. vn.} tionis lege in duodecim vigesimas spatii^{dec.} quod basi $u b$, iisdem manentibus, æquipo-^{Euc.} derat.

Eodem prorsus pacto ostendetur si collaterali externo secundo $c u z$ fiat æquale parallelepipedum $P R$ cuius altitudo $Q R$ æquet altitudinem $e p$; basi $u c$ externæ, librâ ex u suspensâ, positisque reliquis quæ proxime superius, æquiponderare spatium æquale basi $P Q$: & triginta vigesimas cunei externi collateralis siue parallelepipedî $P R$ retinentes eandem altitudinem $Q R$ habere basim æqualem triginta vigesimis partibus spatii quod basi $u c$ externi collateralis æquiponderat: & denique si parallelepipedum cuius altitudo $Q R$ vel $p e$, basis sit triginta vigesimæ memoratæ mutetur in aliud æquale cuius altitudo sit $\pi \beta$, basis mutabitur in sexaginta vigesimas spatii quod basi $u c$ iisdem manentibus æquiponderat.

Rursus quoniam $u p$, producta occurrit rectæ $c \omega$ in n ; cum lateri $c n$ trianguli $e n c$ æquidistet $u p$, vt $e u$ ad $e c$, ita erit $e p$ ad $e n$, hoc est vt binarius ad ternarium: eademque de causâ cum in triangulo $ca \omega$ lateri $a \omega$ æquidistet $e n$, vt $e c$ ad $a c$, hoc est, vt ternarius ad quaternarium ita erit $e n$ ad $a \omega$:

ergo ex æquo ut $e u$ ad $a c$, hoc est ut unitas ad binartum, ita $e p$ ad $a \omega$; sed ita etiam ostendimus esse rectam $a d$ ad $a \omega$. ergo rectæ $a d, e p$ sunt æquales.

Præterea quoniam parallelepipedum A, B, C, D , altitudinem æqualem rectæ $a d$ habent, ipsa verò $a d$, ut pote æqualis rectæ $e p$, est dupla altitudinis $\pi \beta$: si parallelepipedum A, B, C, D , mutantur in æquivalentia quorum altitudo sit $\pi \beta$, basis erit dupla baseos ipsorum A, B, C, D .

Item quoniam parallelepipedum S habent altitudinem æqualem rectæ $a \omega$, ipsa verò $a \omega$ est quadrupla rectæ $\pi \beta$, si parallelepipedum S mutantur in æquivalentia, quorum altitudo sit $\pi \beta$, basis erit quadrupla baseos ipsorum S .

Quoniam igitur parallelepipedum quæ inter se sunt æqualia, si eadem altitudine sint prædita, habent bases inter se æquales, ex trigesima undecima libri Euclidis conversâ apud Clavium; compositæ autem magnitudines solidæ, quas æquales esse ostendimus in præcedenti, redactæ sunt in propositione præsentis ad eandem altitudinem $\pi \beta$; ergo earum bases sunt invicem æquales; ergo inuentæ sunt duæ planæ magnitudines invicem æquales, quarum,

Prima componitur primò ex duplo basis parallelepipedum A ; secundò ex quadruplo basis parallelepipedum D ; tertio ex sex quintis, vel viginti quatuor vigesimis spatii

quod externæ basi u c æquiponderat, librâ exo suspensâ, perpendiculo o i, brachio æquante semidiametrum; quartò ex sex semissibus, vel sexaginta vigesimis spatii quod externæ eidem basi u c æquiponderat librâ suspensâ ex u, perpendiculo u f, brachioque eodem; quintò ex tribus quintis, vel duodecim vigesimis spatii quod internæ basi b u æquiponderat librâ suspensâ ex u, reliquisque, vt iam diximus, positis. *Hæc magnitudo vocetur primus terminus æqualitatis notæ.*

Secunda componitur primò ex quadruplo basis parallelepipedo C; secundò ex duplo basis parallelepipedo B; tertio ex quadruplo basium parallelepipedorum S; quartò ex sex quintis, vel viginti quatuor vigesimis, spatii quod internæ basi b u æquiponderat librâ suspensâ ex n, perpendiculo n q, brachioque semidiametrum equante. *Hæc magnitudo appelletur secundus terminus æqualitatis notæ.*

SCHOLIVM.

Præsentem æquationem diu existimaui non solum veram esse (istud enim adhuc persuasum habeo) sed etiam reduci ad terminos duos quorum vnus foret spatium rectilineum notum, alter segmentum circuli datum; re tamen per numeros diligentius examinatâ comperi vtrumque terminum post sufficientem prosthæ-

phareticam (vt solet in *Algebra*) castigationem
reuocari ad purum spatium rectilineum ; ac
proinde necdum ita inuentam esse à nobis qua-
draturam circuli, vt nihil amplius desideretur,
& inquirendum restet. Nobis tam auio tamque
molesto itinere fatigatis nunc satis esto nihil
in fronte operis promitti, quod cumulatè adiu-
uante Deo non prestiterimus. Huius libri
quinti initio speravi fore vt assequerer fugien-
tem Tetragonismum ; si tamen eum comprehen-
dere & retinere non valui adhuc, nihil dubito
quin aliquam nec prorsus contemnendam ex eius
apprehensâ veste laciniam in manibus meis re-
mansisse iudicetur ab aequo & beneuolo Lectore.